

خضرة و (مدينة بلا أبواب)

مسرحيتان

تأليف السيد فراج

تقديم أحمد هاشم



#### سلسلهٔ نصوص مسرحیهٔ

تصدرها الهيئة العامة لقصور الثقافة

رئيس مجلس الإدارة
د. سيد خطاب
امين عام النشر
محمد أبو المجد
مدير إدارة النشر
البتهال العسلي
الإشراف الفني
د. خالد سيرور

- خضرة و (مدينة بلا أبواب)
  - السيد فراج
  - الطبعة الأولى:

الهيئة العامة لقصور الثقاطة القاهرة - 2014 م

• تصميم الغلاف،

عماد عبد الغثى

- والراجعة اللفوية، عمر جمعة حسن
- الإعداد الفني، وحدة التجهيزات
  - رقم الإيداع، ٢٦١٢١ / ٢٠١٤
- 978-977-92-0035-4 الترقيم الدولى،
  - المراسلات:

باسم / مدير التحرير على العنوان التالى: ١٦ أ شارع أمين سسامى - السقسمسر السعسيستى القاهرة - رقم بريدى أ156 ت ، 27947891 (داخلى ، 180)

الطباعة والتنظيذ ،
 شركة الأمل للطباعة والنشر
 ت ، 23904096

150

سلسلة شهرية تنشر النصوص المسرحية الطويلة لمختلف الأجيال وتحيى حركة النقد بدراسات نقدية

هيئة التحرير و رئيس التحرير و د.مـحـمـودنـسيم د.مـحـمـودنـسيم مدير التحرير سعـيـد حـجـاج سكرتير التحرير مكرتير التحرير محـمـد أبـوشـادى

الأراء الواردة في هذا الكتاب لا تعبر بالضرورة عن توجه الهيئة بل تعبر عن رأى وتوجه المؤلف في المقام الأول.

حقوق النشر والطباعة محفوظة للهيئة العامة لقصور الثقافة.
 ويحظر إعادة النشر أو النسخ أو الاقتباس بأية صورة إلا بإذن
 كتابى من الهيئة العامة لقصور الثقافة، أو بالإشارة إلى الصدر.

خضرة و (مدينة بلا أبواب)

#### تقديسم

#### مدينة بلا أبواب

يشير المؤلف" السيد فراج" إلى أن زمن مسرحيته" مدينة بلا أبواب" هو الثمانينيات من نهاية القرن العشرين وبدايات القرن البواحد والعشرين، وأن المكان الذي تدور فيه أحداث المسرحية هو مدينة ما في بلد ما، ويسوق لنا بعض من ملامح تلك المدينة المجهولة وسط صراخات استغاثة من حرائق في البيوت، ومن حرامي قام بوضع أقفال كبيرة على الأبواب، وتختلط أصوات الاستاغاثات تلك بأصوات صفارات سيارات الإسعاف، والشرطة، وسيارات المطافى، وتعلو الأصوات المتسائلة عن حال الناس داخل تلك البيوت المغلقة، وعما إذا كانوا مجروحين، أو مقتولين، عيانين، أو محروقين؟ ليطل الراوى من وسط ذلك الصخب العبثي، بعد أن تفشل السيارات الإسعاف المغيثة في العثور على مايمكن إنقاذه.. إذ لا تجد سيارات الإسعاف ولامسعفوها جرحي أو مرضى، ولاحتى موتى، كما لا تجد سيارات

المطافى حرائق أو حتى أثر لحريق، كما لا تجد شرطة النجدة المسوصا أو مهاجمين للبيوت، فيطل الراوى وسط ذلك المشهد المرتبك حاسما الأمر معلنا أن: "البيوت هنا مقفولة مش محتاجة إسعاف ولاعربية مطافى ولا لبوليس النجدة "ثم يخوض الراوى بعد ذلك في مسببات عدم الاحتياج هذا، حيث أن هذه البلدة يسمونها بلد النسيان، وليس لها مداخل طبيعية، ولا بوابات، وليس لبيوتها أبواب، والناس فيها لايعرفون بعضهم، إنهم يعيشون فيها كما الخفافيش.. يدخلونها في الظلام من أية فتحات يتم اكتشافها ويتسللون إليها كما الأفاعي التي تحتضر، لقد تحول الناس داخل البيوت إلى أشياء صغيرة، رغم أنهم بشر، بل كانوا من أعظم البشر...إذن ما الذي حدث؟ إنه يتذكر أيام الماضي.. أيام الطفولة.. حيث كان الحلم بأن يصبحوا كبارا: "ولما كبرنا قفلوا علينا الأبواب" ثم يطرح تساؤلا جوهريا: "كبارا: "ولما كبرنا قفلوا علينا الأبواب" ثم يطرح تساؤلا جوهريا: "

فى اللوحة الثانية يحاول الشاب "مجاهد" دخول أحد البيوت يخبره جده بلا جدوى مايفعل حيث لاوجود لمفتاح إلا فى حواديت الف ليلة. إن هذه البلد كان لها بيت واحد أيام رحيل الملك وكان يملأه الحب والسماحة رغم بناءه الطينى، وسوء حظه، ثم قفلت وقفل معها قلوب الناس ذوى الأفكار اللزجة المتسلطة العفنة، ومن يلمسها: "يفضل مجروح طول العمر".

فى اللوحة الثالثة.. يتم التعرف على نموذجين من ساكنى هذه

البيوت المغلقة في تلك البلدة، يمثلان نموذجين لجيلين مختلفين حيث أمل المثلة للشباب، والخالة المثلة للجيل الأكبر.. جيل"أمل" الطامح الى النور و الخروج من ذلك الإنغلاق للتعرف على الخارج، والتعرف على الآخر: "لازم نعرف الناس والناس تعرفنا علشان نبقى أسوياء"، وجيل "الخالة" المستكين للوضع القائم، المستسلم له الذي لايرى في الخارج النور فقط بل يرى كذلك: "العولمة والكويز والخلاعة والمياعة والتحرش واللصوص والحرايق في المجالس والمسارح والبيوت"، وبينما يتسلل الشاب مجاهد الى أسفل الشرفة التي يدور فيها الصراع بين الجيلين، لازالت الخالة " تواصل تبرير موقفها، واضعة أمام "أمل" صورة أخيها شهيد نكسة 1967، وصورة جدها الذي تم نتف ذقنه على أنغام أغنية "ياحبيب الملايين" ثم تعدد لها الصور: "مش دى صور نواب الشعب اللي نصهم نايم ونصهم موافقة موافقة ع الفاضي والمليان..ماشوفناهمش قالوا موافقة على اللي سرقوا قوتنا وأموالنا من بنوكنا وفتحوا لهم أبواب المطارات ع البحرى، لاحد جاب حد منهم ولا حد كلم الإنتربول، ما شوفناش موافقة على حل مشكلة البطالة..ماشوفناش موافقة على اعدام اللي أعدموا الغلابة الألف وميتين مخلوق في العبارة اللي ماقدروش يوفروا لهم بدلة نجاة ولا طوق سليم يعوموا عليه ولا أمن يحميهم، ماشوفناش

موافقة على تطهير البلد م العشوائيات واهى النتيجة..الدويقة وستين دويقة.. حتخرجي تروحي فين ياأمل؟ للمصالح المتعطلة والشوارع اللي بتتعطل بالساعات علشان تعدى مواكب الناس الكبار، ويفضل المرضى والشيوخ والعجزان واقفين على الأرصفة بالساعات. هتخرجي لمين؟ هاياخدوا على كل خطوة من خطواتك ضريبة وعلى كل نفس ضريبة ..دا غير ضريبة الكلمات والإيماءات والتليفونات والإباحيات. متخرجي علشان تشوفي الرقاصة اللي بترقص قدام السيما علشان تعمل دعاية لفيلمها وتتزاحمي وسط الشباب يتحرشوا بيكي . هتخرجي تتفرجي على حريق مجلس الشورى اللي من آيام سعد زغلول ولا الأوبرا ولا المصانع ولا قصر الجوهرة ولا المسافر خانة ولا المسارح الأثرية ولا مسرح بني سويف وموت الشباب الغلابة. . هتخرجي تتفرجي على ضحايا قطر الصعيد والأقصر وكفر الدوار.. هتخرجي تدوري على لوحة الخشخاش اللي انسرقت وتمنها آلاف الدولارات. مش دا واقع ولا انا باخترع ياأمل. هتخرجي لإيه ولا إيه. كفاية خلينا عايشين في أمان..دا أنا لوخرجت مش هاسكت حعمل مظاهرات لوحدي وان شالله يعدموني علشان أحصل جدك وأخوكي ياأمل وأمك اللي ماتت بحسرتها".. وتتهم أمل" الخالة وجيلها بانغلاق عقولهم كما أبواب المدينة وأبواب بيوتها، وبالتالى عدم قدرتها وجيلها للوصول

الى الجيل السابق الذي حرص على تنشئة جيل الشباب على القهر والقمع وسلب الحرية والحقوق وتكبيل الأفكار وتقييد الحركة والخوف مما جعل وجود هذا الجيل وهم كاذب، وأمام منطق "أمل" لاتجد"الخالة" سوى التسليم، وتوافق على أن تفعل "أمل" ماتريد، ومن تحت الشرفة يستطيع مجاهد أن يتسمع للحوار بأكمله وتحوز "أمل" على إعجابه شكلا ومضمونا ويقرر البقاء تحت الشرفة، وينصب خيمته، ويناجي "أمل" التي اختفت خلف الباب، ويستمر في مناجاته، وبث مشاعره دون أن تتبدى له حتى يخالجه اليأس، فيقوض خيمته لمغادرة المكان، ليفاجأ بما لم يكن يتوقعه. إذ تناديه "أمل" وتعترف بأنها سمعت كل كلامه ومناجاته، وأن عدم ردها عليه ليس بسبب افتقادها للإحساس أو المشاعر.. لكن ماحال دون مبادلتها له مشاعره وأفكاره التي تؤمن بها هو السدود المنبعة من الأفكار البالية التي رباها عليها جيل الشيوخ . حيث الخوف من الوصيم بالعار، والنشوذ عن المستقرمن التقاليد، ويفشل مجاهد في إقناعها بالنزول إليه ليحاولا مع غيرهما من الشباب إيجاد مخرج لفتح تلك اللأبواب المغلقة للمدينة والبيوت، وخلال هذا الحوار المتبادل تظهر الخالة مستاءة من وجوده ومشيعة إياه بالسخرية من أفكاره" لاانت ولا مليون زيك يقدر يفتح الأبواب"، وعلى إثر زلزال مفاجئ تنهار الشرفة وتفتح بعض الأبواب وتعلو الأصوات المختلطة

لسيارات الإسعاف والشرطة والمطافى (نفس مشهد بدايات النص)، ويهرع "مجاهد" لإنقاذ "أمل" التى يجدها فى النزع الأخير لتكون أخر كلماتها هى توصيته على البلد "مصر" التى تضعها أمانة بين يديه اليطمئنها بقيامه بثورة . فتوصيه باليقظة حتى لاتسرق منه تلك الثورة . بينما تلفظ أنفاسها الأخيرة لتظهر شاشة فى مقدمة المسرح وتعرض لقطات متقطعة من أحداث ثورة يناير.

ينتهج المؤلف"السيد فراج" منهج دائرية الحدث في بنائية نصه حيث ينهيه كما ابتدأه بنفس الإستغاثات لنفس الأشخاص الذين تختلط أصوات استغاثاتهم بأصوات صفارات سيارات الشرطة، وسيارات الإسعاف، وعربات المطافى، والفارق الوحيد بين المشهدين هو أن مشهد البداية مجهولة فيه أسباب تلك الاستغاثات ،بينما في مشهد النهاية معلومة أسبابه حيث وقوع الزلزال الهادم للبيوت، حتى وإن كان زلزالا رمزيا ،ومعادلا موضوعيا لفعل الحدث الثورى، الذى اختاره المؤلف لينهى به مسرحيته التى جعل من الثلاثين سنة الأخيرة موضوعا لها، حيث جثم نظام فاسد طوال تلك الفترة ليحكم مصر وشعبها معتمدا على سياسة تكميم الأفواه، وتصدير مقولة اليس في الإمكان أبدع مما هو كائن فتربت الأجيال القديمة على التسليم والخنوع منغلقة على ذواتها، وغير طامحة لأى تغيير، وصانعة لسدود تحيل بينها وبين الأجيال الشابة

الرافضة للأمر الواقع والمشرئبة الى الخروج من ذلك الانغلاق ولكن مكبل بعضها بما تربى عليه. حتى يأتى الزلزال الثورى محولا ذلك الانغلاق إلى ركام حتى وإن دفع بعضهم حياته ثمنا لتلك المخاطرة

#### خضرة والسواقي العطشي

مع النصف الثانى من سبعينيات القرن المنقضى، وكنتيجة مباشرة لحرب أكتوبر المجيدة حدثت مجموعة من المتغيرات التى كان لها أثر بالغ على البنية الإجتماعية على الستويين المصرى والعربى

على المستوى المصرى رغم تحقيق تلك الحرب نصرا عسكريا على العدو الإسرائيلي يعد هو الأول من نوعه منذ بداية الصراع العربي الإسرائيلي الذي نشب مع إعلان الكيان الإسرائيلي كدولة اعترفت بها الأمم المتحدة على جزء غال من الأراضى العربية الفلسطينية، ونشوب حروب متوالية حققت فيها إسرائيل انتصارات مدوية على الأرض، أدت إلى مكاسب سياسية على حساب السمعة ، والهوية العربية... حتى جاءت حرب أكتوبر وأعادت لمصر ، وللعرب عزتهم، وكرامتهم والثقة في أنفسهم، والقضاء على أسطورة الجيش الإسرائيلي الذي لايقهر... فتنفس الناس الصعداء، وارتجوا تحولا اجتماعيا، وبحبوحة في العيش بعد أن لبثوا لسنوات رابطين على بطونهم أحزمة يزداد شدها على البطون مع مرور الوقت، متحملين هذا الشد إيثارا للإنفاق العسكرى استعدادا لمعركتهم المصيرية... إلا أنهم ومع انتهاء تلك المعركة بهذا ألنصر العسكرى جاء ترقبهم مخيبا لأمالهم نتيجة لسياسات فوقية أدخلت البلاد في انفتاح إقتصادى غير محسوب (انفتاح السداح مداح) كما أطلق عليه الكاتب الراحل" أحمد بهاء الدين" جرف معه الطبقة المتوسطة إلى أسفل الخريطة الإجتماعية، ودهس، وسحق الطبقة الدنيا (المشكلة للقاعدة العريضة من الشعب المصرى" ملح الأرض") تلك الطبقة التي تحملت أعباء ربما أكثر من غيرها، وساهمت في المعركة استعدادا وقتالا، واستنادا لقانون ضرورة ،الحياة، والرغبة في العيش، ومع تخلي الدولة رويدا رويدا عن دورها تجاه هذه الطبقة.. كان لابد لهذه الطبقة المطحونة أن تبحث لنفسها عما يساعدها في مواصلة الحياة، التي أصبحت خانقة للغاية لاسيما مع ظهور أنماط استهلاكية ضاغطة في إغراءاتها. عبر الإلحاح الإعلاني المرئي عنها. وعدم امتلاك الغالبية العظمي من الشعب مايساير به تلك المستجدات من النمط الإستهلاكي الوافد.. فكان بالضرورة لابد من حل.

أما على المستوى العربى ، وكنتيجة مباشرة أيضا لحرب أكتوبر المجيدة ،ارتفع سعر برميل البترول ارتفاعا جنونيا، وامتلأت خزائن الدول النفطية العربية ، وانتفخت جيوب مواطنيها مما أدى الى نهضة تنموية محمومة ، مع عزوف هؤلاء المواطنين منتفخى الجيوب عن الرغبة فى العمل السيما اليدوى منه . فكان العامل المصرى هو قاسمهم المشترك الأول والرئيسى فى تنفيذ تلك النهضة التنموية المحمومة ، والتى ارتأى فيها قطاع كبير من فقراء المصريين الاسيما عمالهم وفلاحيهم - خلاصا من واقعهم المرير، وحلا الطموحاتهم

البسيطة والمشروعة والمتمثلة في امتلاك شقة بسيطة في أطراف مدينة، أو بناء منزل في قرية،مع حيازة مجموعة من الأدوات الكهربائية الاستهلاكية البسيطة، وقد نجح المصريون من أبناء تلك الطبقة في ذلك نجاحا ملحوظا ، كان من نتيجته تغييرا جزريا في البنية الاجتماعية، والديموجرافية، حيث سمقت غابات الأسمنت المسلح . فخلقت أخطبوطا من العشوائيات في المباني، وانعكست تلك العشوائية على سلوك ساكنيها . على أطراف المدن على حساب الرقعة الزراعية التي أهملها الكثير من فلاحيها الذين اتجهوا شرقا الى دول الخليج، أو اتجهوا غربا الى ليبيا.

ولم تكن الأرض الزراعية وحدها هى الضريبة المصرية لذلك التوجه التى شجعت عليه الدولة للخلاص من مسؤليتها تجاه مواطنيها، بل كانت هناك خسارات جمة وعديدة، ولا زلنا نكتوى بنيرانها حتى الأن، حيث جاء العائدون محملون بسلوكيات اكتسبوها من بلاد عملوا فيها ـ لاتمت للواقع المصرى بصلة، كما حملوا نوازع وهابية، وشيعية، وغيرهما، لازلنا نسدد فواتيرها من دمائنا المصرية الطاهرة.

ومن قبل هذا، ومن بعد هذا،ما كان من ذهاب الفلاحين إلى دول البترودولار تاركين خلفهم أرضا تحتاج إلى سواعدهم، وأبناء يحتاجون إلى رعايتهم، وزوجات شابات تحتجنهم الى

جوارهن، مما أحدث شروخات وخروقات في الجدار القيمي بعاداته وتقاليده المصرية.

والتقط المؤلف - متعدد المواهب - " السيد فراج" تلك المشكلة الأخيرة، وجعل منها تيمته الأساسية التي ابتني منها مسرحيته خضرة "التي أسماها "عطش السواقي" قبل أن تكتسب اسمها الجديد "خضرة" مع عرضها على مسرح "الشباب" في العام 1994 بطولة الفنانة "عايدة فهمي" إخراج المبدع المقل في أعماله الفنان" فتحى الكوفي " الذي لاقي عرضه نجاحا فنيا كان جوازا للمشاركة في مهرجان القاهرة للمسرح التجريبي في نفس العام.

يقيم المؤلف بناءه المسرحى مستندا إلى تيمة فى غاية البساطة، وتكمن فى بساطتها تلك أسباب تميزها لمحليتها الشديدة وعبقها الإنسانى.. حيث يتزوج "عبدالحميد" من خضرة " زواجا عاجلا ، وخاضعا لضرورات السفر المزمع إلى إحدى الدول البترولية مع فجر الصباح الجديد.. تلك الإطلالة المسرحية المبتكرة، والعبقرية فى أن توفر للنص مايطلق عليه النقاد: (نقطة الهجوم علي الحدث) وهى بداية درامية ساخنة.. حيث أصبحت ليلة العرس (ليلة الدخلة) وهى تلك الليلة التى تنتظرها كل فتاة، وينتظرها كل شاب.. تصبح هنا بالنسبة للعريس" عبدالحميد عبئا ثقيلا ضاغطا على أعصابه المتوترة أصلا بفعل السفر، والذهاب إلى المجهول بعد

سويعات قليلة .. الأمر الذي يحول اللحظة الجميلة .. لحظة لقاء الشاب بعروسه لأول مرة ، وفض بكارتها .. إلى لحظة ضاغطة وكأنهما أمام عمل ثقيل يجب الخلاص منه بأقصى سرعة حيث الناس فى الخارج تنتظر المنديل أو مايطلق عليه شعبيا (المحرمة) كما تنتظره السيارة التي ستقله إلى المطار مما يجعله لايتمهل فى أداء الأمر ولايستجيب لتدلل عروسه وخوفها الطبيعي، لتحفر تلك الحظة بداخلها أثرا سلبيا بالغا، وتشكل لها خبرة سيئة فى حياتها قد يكون من الصعب محوها .. وهل يمكن خلق إستهلال مسرحى يثريه فعل درامى أكثر سخونة من ذلك؟ ومشبع بالتوتر أبعد من ذلك؟

يسافر" عبدالحميد" قبل أن تجف دماء بكارة زوجته، لتنهمر مع الدم دموع يختلط ملحها بألم الجرح بعد أن تفشل في استبقائه لحظات، كما تفشل في إثنائه عن السفر، وتخضع مجبرة لمنطقه، وأحلامه ببيت بالمسلح من عدة طوابق،وربما قطعة أرض صغيرة يستزرعها وتغنيه عن العمل بالأجر في أرض الغير

وتتوالى الخبرات الحياتية السيئة لدى العروس" خضرة" وتتراكم على تجربة الأمس. فمنذ الصباح الباكر (يوم الصباحية) وقبل أن تجف دموعها أو يلتئم جرحها .. تتلقاها عجائز بيت الزوج (العمة والخالة) طالبتان منها بإلحاح القيام بأشغال المنزل الريفى الكثيرة الشاقة، ودون مراعاة لظروفها الخاصة وكأن الزوج قد

سافر ليتركها فريسة وحيدة دون مدافع عنها، وتحاول خضرة" أن تتواءم مع حياتها الجديدة، لتجئ خطابات الزوج لتبل الريق بعد طول جفاف، وبضعة نقود، مع صوت مسجل على شريط يسبل عليها الصبر، ويمنيها بأحلام تعرف أنها بعيدة.. بعيدة.. حتى يشد من عزمها إحساسها بدبيب في أحشائها يعوضها مجيئه غياب الزوج، وتشغل وقتها برعايته بعد أن تباعدت الخطابات وانقطاعها فيما بعد لسنوات تقارب ستة أعوام ينهشها خلالها الشك، كما تنهشها نيران رغبات جسدها الفائر، ليظهر لها" حسان" شقيق صديقتها الذي يحبها ويتمنى الزواج منها .. يبث لها مشاعره التي لاترفضها ، بل تتوالى لقاءات في الحقول بعيدة عن الأعين، ويحاول أن يقنعها بطلب الطلاق عبر المحكمة، وبينما تتصارع بداخلها المتناقضات حيث الرغبة في الاستجابة لإطفاء الجسد الملتهب، والخوف على الطفل حسان، والخوف من الخروج عن المنظومة القيمية المجتعية، ليدخلها هذا الصراع في نوبة حمى لايخرجها منها سوى صورت الطفل الذي يدعوها فرحا للخروج الى الحظيرة لمشاهدة العجل الوليد.، لتحسم أمرها، وتنحى كل أطراف الصراع جانبا منحازة الى الجانب القيمي المجتمعي، إضافة إلى مايتطلبه دورها كأم تتفرغ لتعليم ابنها كيف يحب أرضه ويحضنها رافعا فأسه عازقا في طينها، ومحبا لناسه وبلده ، ومنتظرا معها لعودة والده.

رغم بساطة التيمة ـ كما أشرنا من قبل ـ إلا أن المؤلف "السيد فراج" امتلك مهارة حبكها وبناء أحداثها بدرامية تؤكد وعيه بعناصر الدراما، وبراعة في كيفية صياغتها ...ذلك الوعى الذي قاده إلى وضع تيمته تلك في قالب من الفرجة الشعبية التي تتسق مع طبيعة الأحداث، وشخوصها، ومكان حدوثها.

فكان حرصه الشديد منذ البداية على إثراء نصه المسرحى وإحاطته بمفردات شعبية فرجوية.. حيث طقس ليلة الحنة، وعقد القران، ومايتطلبه ذلك من أغان شعبية ريفية، وزغاريد، وتزيين للعروس، وعقد للقران، وطبول ومزامير بلدية ورقصات ريفية، وغيرها.. ثم طقس ولادة "خضرة" بمساعدة الداية، وطقس سبوع المولود، ودقة الزار الذي يقام حين تتمكن الحمى من "خضرة" إلى حد الهلوسة، كما يضمن المؤلف نصه بمجموعة من الأغاني الفولكلورية مع كل طقس من تلك الطقوس.

واختار المؤلف لنصه فضاء مسرحيا بسيطا اختزله في ثلاثة مناظر أكثر بساطة، تمثلت في منزل والد العروس الذي جاء عبارة عن تعريشة خشبية من البوص وسعف النخيل، وعلينا أن نلاحظ وعي المؤلف لمفردات البيئة الريفية في إقامته لمعماره المسرحي، ثم بيت الزوج المختزل كذلك في غرفة معيشة باهتة اللون، تزين جدرانها بعض الإكسسوارات الريفية، أما المنظر الثالث فلم يخرج

به عن طبيعة بيئته أيضا حيث جاء في لوحة لأرض زراعية في صدر المسرح، أمامها ساقية تظللها شجرتي جميز وبعض النخيل.

إن نص "خضرة" يؤكد في كليته على اهتمام المؤلف بشاكل مجتمعه ويؤكد على إيمانه بالدور السوسيولوجي للمسرح كما ينم عن براعة المؤلف" السيد فراج "كمؤلف مسرحي يمتلك أدوات حرفية الكتابة المسرحية في بساطة تؤكد على تميز مهاراته في هذا الفن.

أما في مسرحية مدينة بلا أبواب فإننا نجد المؤلف يلتزم أيضا بواقعه ولكن بشكل مختلف ....فكيف كان ذلك؟

أحميد هاشيم

مسرحية مدينة بلا أبواب

#### مقدمية

أدب المسرح هو مجاولة دائمة للتعبير عن الواقع وبث الوعي للتغيير بالكلمة الصادقة ، ولابد وأن يكون هذاك تعبير عن الواقع وتغييره مهما كان

وليست هذه دعوة للانفتاح على الآخرين بقدر ما هي دعوة للخروج من الدائرة المغلقة التي نحيا بداخلها وإن لم نفعل ذلك سنظل نعيش في دائرتنا هذه نتقوقع بداخلها يحتوينا الصمت ويكتم أنفاسنا ويقتلنا الملل ويخرس السنتنا فلا تخرج الكلمات كما نريد حرة طليقة بل تكبت في الأعماق وتحتضر حتى تدفن تماما وحيث تدفن الكلمات وهي وسيلة التعبير الوحيدة على هذه الأرض تعترينا الكابة ونصبح لاشيء ، الرعشة هي كينونتنا كلما أبصرنا الضوء .

ومسرحيتي "مدينة بلا أبواب "تقول شيئاً ما نحترمه هو ما يتمثل في الأجيال السابقة من أفكار أصولية راسخة ومعتقدات

تتناقض وتتصارع مع ما ألفناه من أفكار مستحدثة هي نتاج حضارة هذا الزمان.

أقدم لك عزيزي المشاهد والقارئ هذا الصراع من خلال حوار ومجادلة عميقة قد يعتريها اليأس أو الصمت أو شيء ما من الأمل بين جيلين مختلفين الفتاة أمل وخالتها ، حول هذه البيوت المغلقة في المدينة وهل من أمل في فتحها حتى يطل كل جيل على الأخر .. اليس من حق أى واحد منا أن يطل على الحياة بمنظار أمل أو بمنظار المخالة أو بمنظاره هو .. هل نستطيع ؟

مجرد رأي أو رؤية يطرحها العرض المسرحي عليك والإجابة لديك عزيزي المشاهد / القارئ

المؤلف

#### • زمن المسرحية

الثمانينات من نهاية القرن العشرين وبدايات القرن الواحد والعشرين

#### • مكان المسرحية

مدينة ما ، في بلد ما ، الناس فيها ما زالوا يعيشون بفطرتهم على عاداتهم وتقاليدهم الموروثة وحيث الزمن قد تغير والحضارة بدأت تغزو الحياة وهم ما زالوا يرفضون أي جديد

#### • شخصيات المسرحية

1- الراوي: شاب في الثلاثين من العمر

2- الخالة: امرأة في الخامسة والخمسين من العمر

3- أمل: فتاة في ريعان شبابها ذات وجه مستدير أبيض وشعر منسدل على منطبيها في دلال

4- مجاهد: شاب فب بدایات حیاته

5- عابرسبيل: رجل عجور

6- بعض الأشخاص من ذوي الأدوار الصغيرة

رجلا الإطفاء

رجلا الإسعاف

رجلا الشرطة

## الفصل الأول

### اللوحة الأولى

#### مشهد: الحريق

- الستارما زال مغلقاً -
- يختفي الضوء مع سماع أصوات لصفارات مختلطة لعربات الإسعاف والنجدة والإطفاء وأصوات استغاثة.
- صراخ المرأة: حريقه، الحقونا يا ناس، البيوت انحرقت فين المطافي ، الحقونا ، الحقونا ،
- زعيان رجان دي مش حريقة ، دي البيوت مقفولة ، البيوت عايزة اللي يفتحها
- صبوت صبي: هاتو لنا الشرطة أنا شفت الحرامي اللي قفل البيوت ، كل باب قفله بقفل كبير ،
- صسوت رجل: والحرامي حيقفل البيوت ليه الحرامي بيفتح البيوت دي مقفولة البيوت مش بيقفلها وبعدين البيوت دي مقفولة من زمان.

صوت شاب:

الناس ما بيتكلموش لا جوه البيوت ولا براها ، الناس في البلد دي ممكن يكونوا اتخرسوا أو مرضي أو مقتولين مفيش صوت لصغير ولا لكبير ، أنا بقول نطلب الإسعاف .

زعيــق امــرأة:

حرام عليكم ، الناس مش مقتولين ولا عيانين ، يمكن يكونوا مجروحين أو محرقين هما بخير بس البيوت مقفوله عليهم ،

- (تتردد الأصوات السابقة واحدة تلو الأخرى ثم يزداد إيقاع التردد سرعة حتى تختلط مع صداها (ايكو) ويسقط الضوء على الستار وهوي يفتح تدريجيا مع موسيقي صاخبة).

الموخصظر

والبديسكسسوره

بابان على جانبي المسرح يمينا ويسارا كل منهما مغلق بقفل كبير طوله وعرضه 100× 50 سم ، باب بضلفتين يتوسط المسرح بين البابين مغلق بترباس كبير يتدلي منه قفل يعلو هذا الباب العريض شرفة بلكونة بها كرسيين على طرفيها ذراعين من الحديد تشدهما حبال غسيل وفي إحدي هاتين الذراعين يتدلي حبل ينتهي (بسبت)

لحمل حاجيات الأسرة وأعلى الشرفة يسارا برواز كبير لصورة عجوز

- على يمين ويسار الشرفة نافذتين شبه مغلقتين ينبعث منهما ضوء احمر يخبو ويظهر ويتقاطع مع أضواء أخرى داكنة .

- ألوان طلاء البيوت لونين أحمر وأسود كل منهما يكاد يطغي على الأخر.

- أقنعة لوجوه من الموتي والأشباح معلقة على الأبواب والشرفات (يرفع الستار)

- يسقط الضوء فيعم المسرح ، يدفع شرطيان إلي المسرح يرفعان بندقيتهما

شرطس 1: الحرامي يسلم نفسه .

شرطسى 2: حنضرب في الليان في كل اللي قفل البيوت أو قتل أصحابها أو سرق سكانها ، بسرعة كل واحد يسلم نفسه

الشرطيسان: (معاً) والاحتضرب في المليان.

(يصوبان بندقياتهما إلى أعلي ويأخذان في إطلاق الرصاص)

(يدخل رجلا الإطفاء كل منهما يحمل على كنفه
 خرطوم مياه نهايته خارج المسرح)

رجل الإطفاء 1: افتح الميه ، الدنيا والعه والحريقة مشعلله . رجل الإطفاء 2: فين الحريقة يا زميلي (ينظر ميناً ويساراً)

- (يخرجان من المسرح مع أصوات استغاثة تمتزج بخيوط من الضوء الأحمر تتقاطع مع خيوط زرقاء وصفراء)

صوت المرأة: الحقونا ، خرجونا

صوت رجال: احنا خلاص حنتخنق ، حنموت حرام عليكم

رجال الإطفاء مفيش فايدة فيه مفتاح تاني مسكور جوه القفل

- رجلا الإطفاء يعودان مهرولين ثانية أحدهما يحمل سلما والآخر يحمل مفتاحا من الخشب طول متر يقوم الأول بإسناد السلم على الشرفة ويرفع الأقفال ويحاول الثاني فتحها في محاولة يائسة.

رجـــــل

الإسعاف1: (متلهفا) فين المصابين، فين الجرحي

رجـــــل

الإسعساف2: (ناظرًا مِيناً ويساراً) فين المتعورين والا الميتين

رجسسل

الإسعاف 1: الظاهر مفيش حاجة

رجــــل

الإسعاف2: يبقوا كلهم مقتولين

(تختلط صفارات النجدة والإطفاء والإسعاف ثانية مع موسيقي صاخبة وإضاءة متقطعة وتعاد الأصوات ثانية لنفس الشخصيات متتابعة تارة وفي وقت واحد تارة أخرى وتزداد حركة أداء رجال الإسعاف والشرطة والإطفاء وبشكل متذاخل شخصيات متنوعة تزاحمهم بين طويل القام وقصيرها وضخم الجثة ونحيلها وأناس معوقين).

الــــلوي: لا يا خونا ، البيوت هنا مقفولة مش محتاجة إسعاف لا عربية مطافى ولا لبوليس النجدة .

الجميسع؛ (في صوت واحد) ازاي؟

الـــراوي: أنا هحكيلكم

الجميسع: يا ريت م البداية

(يضع رجلا الاسعاف المحفة على الأرض ويقف أحد رجال الإطفاء مستندا على سلمه والآخر واضعا يده على مفتاحه ورجلا الشرطة على طرفي المسرح)

السسراوي: بيوتنا يا خوانا في بلد ملهاش مكان ولا عنوان بلد النسيان بلدنا هي اللي بيسموها بلد النسيان

# الجسيسة: (يهزون رؤوسهم ويحركون أيديهم مستفسرين) السسسراوي: (وهو يدور حولهم)

- زى مائتو شايفين البلد ملهاش مداخل طبيعية ولا مدقات عملوها المسئولين نمشى عليها ولا اللي عايشين فيها ولا بوابات ولالبيوتها أبواب مفتوحة علشان الناس تعرف بعضيها ( مسك بأكتاف بعضهم) إحنا أهلها عايشين فيها زي الخفافيش بندخلها في الضلمة من أي فتحة نكتشفها ونتعود عليها .. إحنا بقينا عاملين زي الحيات اللي بتحتضر وتتسلل جوه الشقوق ، وبقينا فعلا وطاويط وبنهجم على بيوتنا تصوروا ومن شبابيكها وفي ممنا بقي عامل زى شهب النار النازلة من السما على سطوح البيوت ويفضلوا يتخفوا لحدما بيختفوا لاسقطوا على بيوتنا نوروها أو ولعوها ولا شفناهم رجعوا تانى للفضا .

- أهل بلدنا ياخونا شوية غبار حدفهم الريح على شبابيكنا بيوتنا وفي البيوت اتحولوا لحاجات صغيرة جداً مع أنهم بشر ومش كده وبس دول كانوا من أعظم البشر.

- تصوروا كل شيء ممكن تسموهم بيه بس صعب تحسبوهم بشر طبيعيين

#### - (يتحرك وهو يمسك بمناكبهم)

- إحنا ولاد البلد دى أطفالنا ، فتيانها ، شبابها ، شيوخها ، سيبونا م الكبار اللي فوق دلوقت ، خلونا احنا صغيرين زي ما هما عايزنا نفضل طول عمرنا صغيرين ، اشتقنا لدخول بيوتنا من أبوابها الطبيعية مش من شبابيكها ومش متخفيين ، اشتقنا يكون لينا مدقات نمشى عليها وأماكن ثابتة نقف عليها نشوف الشهب الساقطة تنور لينا واللى بتهربم الخوف وما بتجينا اشتقنا نشوف نور يثبت مرة علشان نعرف نخرج من دايرتنا المقفولة الغرقاتنة في العتمة (تنهيدة عميقة) تعبنا يا جماعة .. لامتى حنفضل ندور على نفسينا احنا مين وجينا منين وعايشين فين وليه وإزاى \_ (يثبت المنظر لنسمع مقاطع من أغنية) (من

الـــــاوي:

الميلاد ، الحياة ، الموت كلها أصبحت شبه بعضها ، حلقة ندور جواها مش عارفين من إمتى بدأنا في الدوران ولا لإمتى حنوصل لنهاية فيها .. نفسنا

نوصل ، نفسنا نشوف بعضينا علشان ندخل صح لبيوتنا يا تري ممكن ييجي اليوم ده . إيه ساكتين ليه ممكن يجى اليوم ده والا صعب ومستحيل .

#### الجميسيع: (في صوت واحد) اصلنا خايفين

الـــاوي: حتى كلمة حق بطلب منكوا تخطوا حروفها م الخوف رافضين .. يا خسارة كل أحلامنا وأشواقنا بقيت زى الكتل الصلبة مش قادرين حتى نرفعها من جوانا احنا خلاص بقينا الجيل المتعب والمهزوم في الزمن المعدوم .

#### الجسهيسع؛ (في صوت واحد)

إحنا مش جيل متعب ، لحنا جميعا جيل مقهور في زمن بندور فيه على نور علشان نعرف إزاي حنكون، اوعي يا راوي تلومنا ، إحنا انت وانت إحنا السراوي:

السراوي:

أنا فعلا زييكم وأنتم زيي كلنا بندور على ذاتنا وإزاي حنكون في الزمن المتعب والمعدوم لكن بصراحة أسألكم ممكن ييجي الزمن اللي حنرفع فيه راسنا لفوق ؟

ونسلط جبهتنا للشمس ونفك قيود ربطت حركتنا لجسيسع، صعب ومستحيل ولا وألف لا ومش مكن

الـــراوى: ليه ؟

الجميسع: يا ريت نرجع للماضى

الـــراوي: إزاي

الجميع: أيام طفولتنا زمان أجمل أيام عشناها

الـــراوي: فعلا كانت أيام حلوة ، أيام ما عرفناش نخفي فيها

مشاعرنا ، كنا بنطم إننا نبقي كبار ولما كبرنا

قفلوا علينا الأبواب

الجميسع: نعم قفلوا علينا الأبواب

الــــراوي: وممكن يوم نقدر نفتحها ؟

الجميع صعب ، مستحيل ولا ألف لا ومش ممكن

- (يتردد سؤال الراوي ورد الجميع يرتفع تدريجيا حتى يشبه الصرخات ويثب المنظر مع شطر معبر بكلمات اغنية معبرة .. يغلق معها الستار تدريجيا)

# اللوحة الثانية

مشهد: عابر السبيل والشاب الباحث عن باب بقعة من الضوء تسقط على الستار فتتوسطه صوت قبل فتح الستار يقول

( وحيث الحياة تمضى ، الناس فيها ما زالوا سيد ومسود ، حاكم ومحكوم ، راع ورعية وقد سقطت نظرية العقد الاجتماعي بين كل من الطرفين طالما أن هناك بعد عن الصواب والطريق الصحيح منذ الثمانينيات من نهاية القرن العشرين وبدايات هذا القرن الذي نعيشه الواحد والعشرين)

- موسيقي معبرة مع ضوء خافت يفتح معها الستار
- بدخل الشاب مجاهد تشمله بقعة من الضوء .. بدور حول البيت
   الذي تعلوه الشرفة ثم يقف حائراً أسفل الشرفة .

عابر سبيل

(عجهوز): أنت بدور على ايه يا بني ؟

مجاهد بدور على باب يا عمى .

عابسر سبيل

(عجسوز): ليه يا ولدى.

مجاهسد: نقسى النخله

عابر سبيل

(عبواب يا بني

مجاهد لکن ده بیت

عابر سبيل

(عجود): (پربت علی کتفه وکأنه بحدره) من أي بلد يا ولدي انت

مجاهسد: (ينظرإليه مندهشا)

عاببر سبيل

(عجود): اللي يدخل بلدنا يا بن الحلال موش بيوتنا بس بيتم أسره

مجاهد (ملعثما)ليه ....ل ,...ليه

عابر سبيل

(عبد وز): (وقد یأس منه) أصلا مفیش باب مفتوح (یترکه هرکه مندی) ویضی)

مجاهده (منادیا علیه) یا عم ... یابا .. (بحدث نفسه) مختلف ازاي مفتوح أصلا طیب ندخل ازاي

والبيبان كلها مقفولة (يحاول البحث عن باب البيت وهو يدور حول الأبواب المغلقة) يمكن ألاقي باب بس مش عارف افرض لقيت باب ندخل ، طيب وأدخل ازاي من غير ما حد يستقبلني ، أه للدرجة دي أنا غريب في البلد دي ما تكونش بلد النسيان اللي كلمني عنها جدي في يوم من الأيام الله يرحمه أنا فاكر يومها قاللي

- (تندلي من السقف رأس دمية لجد وبقعة من الضوء تغطيها)

صوت الجد؛ بلد النسيان دي يا بني كل بيوتها مقفولة وقلوب أصحابها موحدة ما تعرفش الاحساس ولاحتى مين هو الإنسان .. بلد كبير يا أعز الولد مليانة بيوت لكن للأسف مقفولة

### حصاهدد (يتقدم للجمهور)

يعني إيه بلد كبيرة وبيوتها مقفولة ما تكونش فزورة - خلاص اللي يعرف يحلها يبعث لنا الحل ويكتب على الظرف فوازير بلد النسيان (ضباحكا) (بنقدم للجمهور ثانية ليجلس على طرف أحد جانبي المسرح) دنا فاكر جدي في حواديته

معايا قاللي يا بني البلد دي لما أبوك كان صغير كان فيها بيت واحد أيام رحيل الملك والبيت ده كان مبني من طين وسيء الحط البلد كان بيملأها الحب والسماحة بالرغم أن أفكارها العفنة ما زالت مسيطرة على هذا البيت وحتفضل لو ما تهدش (ينظر إلى رأس جده كلما سأله ليتلقى من صوته الرد) نعم يا أعز الولد كانت أفكار لزجة متسلطة اللي بيجي جنبها أو يلمسها يفضل مجروح طول العمر قوللي يا جدي انت قلت لي أن دي بلد النسيان وكل أبوابها مقفولة أنا معاك في ده لكن اللي مش قادر أفهمه ازاي أصحابها قلوبهم موحدة فيه بني أدمين في الدنيا قلوبهم موحدة ؟

نعم يا أعز الولد موحدة يعني صامتة انتقل فيها الاحساس ما فيهاش ينابيع للحب والتسامح مقفولة بالفعل زي الاقفال المقفولة بيها أبواب البيوت في البلد دي ومتشمعة كمان بالشمع لاحمر وما يقدرش حديفكها ولاحتى اللي قفلوها (لنفسه) بلد من غير أبواب، بيت من طين، أفكار لزجة متسلطة ومعفنة اللي يلمسها يفضل مجروح طول العمر .. إيه ده .

#### مجساهسده

صبوت البجسد:

صوت الجد: نعم يا أعز الولد كل اللي يلمسها يفضل مجروح طول العمر دي بينجرح فما بالك لو دبينا صوابعنا علشان نغوص في الأفكار دي

مجاهبد: يعني مفيش حل يا جدي . . حفضل عايش في بلد من غير عينين ، أعمي

صوت الجدد انت شايف حل يا حفيدي ، أبوك مقدرش يحل .. تقدر انت تحل والا تسبني وتحل ،

مجساهسد: يعني ما تقدرتش تفتح عينيها وتشوف فيها إيه ونحاول نعالجها مش يمكن فيهم شوية غبار نقوم ألم تمسحها وترجع لها النور

صوت الجد؛ حتى لو مسحنلها عينيها وشفيت وفتحت للنور ، النور حيقهرها تعرف ليه ؟

مجاهسد: ليه يا جدي ؟

صوت الجدد حتطلع ناس تانية تحتل عينيها وتسدها ومحدش حيعرف بأننا تعينا وسهرنا علشان نفتح عينيها

مجساهسد، يبقي اليأس والاحباط والفشل ثلاثية حنفضل نعيشها طول العمر

صوت الجدد بالضبط يا أعز الولد

مجساهسد وحنفضل أسري للبلد والبيوت المقفولة دي بدون

ضوء وضوضاء وناس تتكلم ؟

صبوت البجد: وحنعيش حزانا طول العمر على كل اللي ضمي ونادى وبرضك معرفناش نعيش.

مجاهد: ومفتاح المدينة دي فين ، فين ، مفتاح المدينة يا جدي ٢

صبوت البحد،

وحتى لو موجود (تبدأ الإضاءة في الخفوت) البيوت
مقفولة والناس باحساسها مقتولة والمفتاح عمره
ما هيفتح بيوت لناس أصلا معدومة (صياح ديك)

- (يثبت المنظر مع أغنية معبرة وتخفت الإضاءة
تدريجيا مع إغلاق الستار)

- ســــــار –

## اللوحة الثالثة

مشهد : الشرفة وما يدور فيها بين الخالة وأمل في الشرفة تجلس أمل على الكرسي المقابل تجلس خالتها وتعلوهما صورة الجد

الخسالسة: صعب الأبواب تنفتح يا بنتى

أمـــل؛ ليه يا خالة ؟

الخسالسة: فتح الأبواب هيجيب لنا البلاوي م البلد دي

حتدخل كل المشاكل

أمــــل: هيدخل النوريا خالة

ما هو يا ريت النور بس دي العولة والكويز والخلاعة والمياعة والتحرش واللصوص والحرايق في المجالس والمسارح والبيوت ما تخلينا في حالنا أحسن يا أمل على رأي المثل الباب اللي يجيلك منه الريح سده واستريح أدينا عايشين وكل ما نعوز حاجة بنزل السبت وأي حد

الخسالسة:

معدي ابن حلال بيجيب لنا اللي عايزينه وفلوسنا أهه بيجبها البوسطجي كل شهر ويحطها لنا في السبت المعاش اللي باقي لنا من اللي رحلوا وسابونا (عابرالسبيل ينادي يا خالة تنظر الخالة من الشرفة فيضع الجرائد في السبت وترفعه ويضي لحال سبيله)

أمر طبيعي يا خالة لازم الأبواب تنفتح ولما تدخل أي مشاكل والاحتى قاذورات هنحاول مع بعض ننضف بيتنا منها

الخسالسة: مين قالك كده ؟

مــــل؛ الناس هتقول علينا معقدين لازم نعرف الناس والناس والناس تعرفنا علشان نبقى أسوياء .

الخسالسة: اتكلمي عن نفسك بس دا قرار أنا أخذته

أمسل اني بني أدمة عايشة من غير ما أحس بعضها باللي حواليا دا كل المخلوقات بتتعرف ببعضها حتى الحيوانات والطيور والحشرات

الخسالسة: الخروج والتعارف يا أمل ليه؟ ما هي الجرائد أهي والتليفزيون عندك جوه والدش فوق سطح البيت والرادين عمال بيكذب فوق الرف أهه — أسألك سؤال؟

أمـــل: قولى يا خالة

الخسسالسة:

الخروج والتعارف مش هيجيب لنا غير المشاكل مش احنا وكل البشر مشتركين في الشروق والغروب والنوم واليقظة والطعام والشراب (ضاحكة) والصرف الصحي . يبقي احنا أسوياء يا أمل ولا إيه ؟

أهــــان:

لن خالة ، يا خالة لو كان للبيوت أبواب مفتوحة لدخل علينا اللي نرحب بيهم ويحصل بينا وبين الناس تعارف والتعارف فاتحة خير حيفك العلل المدفونة جوانا ، معرفة الناس سعد وخير يا خالة بالعكس (بعصبية) معرفة الناس تنازل ، تنازل،

الخسالسة:

الخــالــة:

تنازل

أمـــل؛ تنازل ليه يا خالة ؟

تنازل عن حقنا من القهر والكبت والظلم اللي عشناه انت نسيتي يا أمل ( موسيقي صاخبة وتدخل الخالة وتعود لها ببرواز لصورة ثم تدخل وتعود لتأتي بأخر وهكذا مش دي صورة أخوك الكبير اللي مات في نكسة 67 وقتلوه البنات الإسرائيليات مين جاب لناحقه) .. (تدخل وتعود) ومش دي صورة جدك

اللي قالوا عليه م الاخوان وانه ضد النظام ونتفوا دقنه على أغنية يا حبيب الملايين دا غير الكلاب اللي نهشت جسمه .

أهــــل:

الخسالسة:

كل زعيم وله أخطاء يا خالة احنا بشر .....

أخطاءه لنفسه مش أخطاء يتحملها ملايين الناس (تدخل وتعود) مش دي صور نواب الشعب اللي نصبهم نايم ونصبهم موافقة موافقة ع الفاضي والمليان ما شوفناش قالوا موافقة للقبض على اللى سرقوا قوتنا وأموالنا من بنوكنا وفتحولهم أبواب المطارات ع البحري لاحد جاب حد منهم ولاحد كلم الانتربول ماشوفناش موافقة على حل مشكلة البطالة ما شوفناش موافقة على اعدام اللي اعدموا الغلابة الألف ومتيين مخلوق في العبارة اللي ما قدروش يوفروا لهم بدلة نجاة ولا طوق سليم يعوموا بيه ولا أمن يحميهم ما شوفناش موافقة على تطهير البلد م العشوائيات واهي النتيجة الدويقة و 60 دويقة حتخرجي تروحي فين يا أمل ؟ للمصالح المتعطلة والشوارع اللي بتعطل بالساعات علشان تعدى مواكب الناس الكبار

ويفضل المرضى والشيوخ والعجزان واقفين على الأرصفة بالساعات هتخرجي لمين هياخدوا على كل خطوة من خطواتك ضريبة وعلى كل نفس ضريبة دا غير ضريبة الكلمات والإيماءات والتليفونات والأباحيات حتخرجي علشان تشوفي الشباب يتحرشوا بيكى هتخرجى تتفرجى على حريق مجلس الشورى اللي من ايام سعد زغلول والأوبرا والا المصانع والا قصر الجوهرة والمسافرخانة والمسارح الأثرية والا مسرح بني سويف وموت الشباب الغلابة هتخرجي يا أمل هتخرجي على ضحايا قطر الصعيد والأقصر وكفر الدوار مش ده واقع ولا انا بخترع يا أمل هتخرجي لايه والا ايه كفاية خلينا عايشين في أمان دا أنا لو خرجت مش هسكت جعمل مظاهرات لوحدى وان شالله يعدموني علشان أحصل جدك وأخوك يا أمل وأمك اللي ماتت بحسرتها.

امــــل:

الخسالسة:

..... اهدى يا خالة هي ...

(مقاطعة) هنا راحة البال وهدوء الخاطر وسكينة القلب خلينا عايشين نتنفس الكام نفس اللي باقين يا أمل (تعود للداخل)

ل: (تتنهد من أعهاقها بصعوبة) مفيش فايدة البعد عن الناس والعزلة هي اللي هتحقق راحة البال وقفل الأبواب يريح قلوبنا ... (تقف في الشرفة تتوجه للجمهور) سمعتم خالتي يا ناس هي من جيل رافض الاقتناع بينا حاسين ان احنا لو خرجنا مش هنقدر نعمل حاجة . خايفين علينا ليعتقلونا.. واحنا طبيعي الاحباط جوانا قتلنا مش ليعتقلونا.. واحنا طبيعي الاحباط جوانا قتلنا مش

وتعالي ينفخ في صورتنا الخسالسة: (تدخل بهدوء تمسك بكتف أمل وتقف بجوارها)

بتعملي ايه يا أمل ؟

المنيش (بلس قبالتها)

الخسسالسية:

ايه اللي في راسك يا أمل ؟

يا خالة إذا كانت البلد مقتولة والبيوت مقفولة فأنتم الكبار أعذريني عقولكم برضه مقفولة ملهاش أبواب علشان أدخل منها ليكم أوصل ليكم ، نفسي أوصلكم من غير ما أفقد احترامكم لي كتير قوي اسمع صوت احتكاك القفل بمفتاحه ويتهيأ لي ان الأبواب هتفتح يمكن الشباب اللي طالعين بحركات

هنقدر نعمل حاجة بس نخرج يمكن ربنا سبحانه

ثورية والتيارات والائتلافات تفتحها وتعمل حاجة (تنهيدة وأهه عهيقة) متهيألي أنا عايشة في وهم وهم كاذب (تضحك) وتزداد ضحكتها ؟ على مقعدها.

الخسالسة: (تقف في عصبية) انتي بتضحكي على ايه على والا على نفسك ؟

أمـــل لأ بضحك على جيلنا احنا على قهره وقمعه وسلب حقوقه وحريته

الخالسة: أعملي اللي انت عايزاه انتي وجيلك مش متقدروا تعملوا حاجة كل أبواب البيوت والشبابيك مقفولة (ضاحكة في شمائة) كل حاجة مقفولة ريحي نفسك أملسل (بحنق) بصراحة يا خالة مفيش لا أبواب مقفولة ولا شبابيك أنتم أنفسكم الشبابيك المقفولة أنتم الخريف اللي المفروض تسيبونا في حالنا واحنا الربيع اللي هييجي اليوم وتتفتح له كل الشبابيك والأبواب ويدخل ضوء الشمس هيدخل برغم كل

الخسالسة: كل ده علشان اسمك أمل عايشة الدور ، النظام بيقدر بيقول أنه موفر لكم كل حاجة على قد ما بيقدر الأكل والشرب والمأوي عايزين إيه تاني

اللي بنعيشه

مــــل؛ واحنا بنتعب علشان نوصل لهدفنا ونقول للنظام كلمة حق من خلالكم أنتم مش بارادتنا وحدنا وبس علشان كده لزمن نحترمكم على حساب السن والعمر اللي بيسرقنا وشبابنا اللي بدأ يرحل بسببكم اتعاونوا معانا علشان نقدر نقول

الخسالسة: دحنا وصلنا لخريف العمر وعملنا اللي قدرنا عليه عليه علشان نضع وجودكم انطلقوا قولوا كلمتكم

لو كنتوا اتحررتوا م الخوف كنتوا قلتوا كلمتكم صح وكنتم صنعتوا وجودنا صح لكن وجودنا وهم كاذب في ظل وجودكم علشان أنتم اللي بتكبلونا بأفكاركم وقيدوا حركتنا فوجودنا وهم كاذب احنا الحركة وأنتم السكون والصمت والخوف أنتم قيدتم حركتنا صح يا خالة ؟ وألا أنا بقول تخاريف (بختفي الضوء - لنظهر أمل وحدها في الشرفة مع موسيقي معبرة عن الموقف)

احنا بتنعب ورغم كل ده بنفكر ولزمن يوم حنوصل حتى وأن كانت النهاية مش في صالحنا يمكن تكون للأجيال اللي بعدنا .. الجبال ياخونا أحيانا بتصمد أمام البراكين والأعصار ما بيقلعهاش ما بتغرقهاش الأمطار والزهور ما بيقلعهاش الإعصار ومهما اهتزت بتعود وتنبت من جديد والأرض بعد الزلزال بتلتئم جراحها والعود الأخضر مهما انحني بيرجع تاني لشعاع الشمس كل شيء يتجاوز مصيبته واحنا لابد يوم نتجاوز مصيبته

الخالة: (تدخل بهدوء وتمسك منكبي أمل وهي واقفة)
بتحبيني يا أمل؟ - يظهر الشاب مجاهد من بداية
المسرح يتحسس خطاه ، يصغي لما يقال وهو
يقترب من الشرفة

أمـــل طبعا يا خالة ربنا يطول لنا في عمرك ويخليكي لينا في صحة وسعادة

الخالسة؛ الكلام ده من جواكي يا أمل ، يعني بتحبيني بصحيح (أمل تنظر إليها)

مــــــل الشرفأنا ما بتمناش ليكي الشرفأنا ما بتمناش ليكي الشرفأنا ما بتمناش ليكي الشريا خالة .

( موسيقي ناى حزين أو تقسيم على أوتار العود )

الخسالسة: يبقي انتي بتتمني لي الخيريا أمل!!

أمـــــل: كل يوم يا خالة عايشة معاكى وانت على الكرسي

ده وقدامك الصورة المتعلقة دي صورة جدي أه هحزن كتيريا خالة لوفي يوم مالقيتش الكرسي

ده ولا الصورة دى

الخسالسة عایزة تقولی إیه یا أمل ؟

أمـــــل:

الخسالسة

ولا حاجة يا خالة

(تتنهد في صمت وتنظر إلى أمل طويلا ثم تتركها وتكاد تقع على الأرض وتتماسك من محاولة الوقوع وهي تتحسس الجدار وتأخذ في السعال وتدخل بينما أمل ما زائت واقفة كالتمثال ونظراتها مصوبة عجاه الجمهور خَاول أن تنظر أسفل الشرفة فيرتعد الشاب الواقف أسفلها ويبتعد عائداً حيث جاء متحسسا خطواته حتى لا يكتشفه أحد .. تأخذ أمل في النظر يمينا ويسارا في حيرة مع موسيقي معبرة أو كلمات مغناة مع خفوت الإضاءة تعطى ظهرها للشرفة ويختفى الضوء مع الموسيقي) .

# الفصل الثاني

- يفتح الستار مع عزف لناي حزين أو تقاسيم عود
- وضوء يسقط على الشرفة وهي خالية من الفتاة وخالتها
- حزمة ضوء تسقط على الشاب مجاهد فتشمله وهو يتجول حول البيت بشوق ولهفة لرؤية أمل

مجساهسد: (يحدث الجمهور وهو يشير إلي الشرفة بأداء كوميدي)

جميلة البنت دي ياه وشها زى القمر لما بتبص م البلكونة والا شعرها الطويل النازل فوق كتافها ومرتاح عليهم ونازل لغاية هنا (بنحني ويضع بده وسط ظهره) ولا عنيها سبحانك يا ربي تقولش بحرين والانهرين الميه فيهم منسابة ورايقة الواحد لو بص فيهم يشوف نفسه والا رموشها السود زى شطين بيحضنوا الميه يا قلبي يا عيوني يا روحي عليها وعلى عنيها وشعرها الطويل ووشها الأبيض المدور إيه كل ده من صنع الله أبدع في خلقها (بقترب من الجمهور) ليها شفتين زغنتيتين تقولش وردتين بيسرقوا قلبى وينعشوا عقلى

أه كل الجمال ده من صنع ربي لكن يا خسارة محبوسة بين الحيطان أنا حاسس أنها بتدور على طريقة تخرج بيها

# صـوت أمــل: (دون ظهورها)

الجبال بتصمد أمام البراكين أحيانا والأشجار ما بتغرقهاش الأمطار والزهور مبيقلعهاش الاعصار مهما اتهزت والأرض بترجع بعد الزلزال بتلم جراحها والعود الأخضر مهما انحني بيرجع يستقبل شعاع الشمس كل شيء بيتجاوز مصيبته واحنا لازم يوم نتجاوز مصيبتنا ونخرج للنور

مـجـاهـــد:

ربرد على صونها) الحياة جهاد يا أمل الحياة أنا اسمي مجاهد اذن لزمن أجاهد وأنا معاكي لازم هييجي اليوم اللي نتجاوز فيه حدودنا وتنحل مشاكلنا أتجاوز أنا القضبان علشان أوصلك وانت لازم تتجاوزي أي حاجة تقف في طريقك علشان توصلي ليا أو لغيري من جيلنا المهم يا أمل لازم نبذل جهد لأني حاسس ان فيه أمل يا أمل ( يقترب من الجمهور ) لكن يا جماعة فيه حاجات كتير كده بحس بيها أول مرة من يوم ما

اتولدت أنا عايز أسألكم يكونش ده الحب اللي بيقولوا عليه هو ده الحب فعلا جاوبوني بصراحة ومتضحكوش عليا أو تسخروا منى ما انتوا كلكو لجيال مختلفة ما عندكوش مبدأ (بلحق نفسه) أقصد كل جماعة منكم ليها مبدأ الشيوخ الأطفال الشباب الستات المهم خلونا في موضوعنا أنا الأيام دي بحس بسعادة وبحلاوة وبحس من يوم ما شفت أمل بأجمل الأيام وبقت مشكلتي الوحيدة البلكونة اللي بتبص منها والأبواب المقفولة ولولا إنى خايف على أمل تضيع كنت دمرت كل البيوت دي .. يمسك رأسه ويتحرك .. أه أمل دي ممكن تبقي بتاعتي يا دا أملى إني أطولها اه يا عمري اللي ضاع في بلد النسيان شوارع مقفولة وأبواب مسدودة ، حاسس إني هموت في البلد دي والزمن بيجري بسرعة وأنا رايح جاي أشوف أمل أبص في عينيها خايف ييجى وقت السحر يضيع من عينيها والتجاعيد تملا وشها وتغرق وشوشنا واحنا عمالين نصارع أنا فعلا عندى احساس طاغي إنى لازم أعمل حاجة وأنقذ أمل بس إزاى

ياما نفسي أكون الشاطر حسن وأخطفها على حصان أبيض (يظهرطيف خيالها ويختفي)

مـجــاهـــد:

مجاهد : يارب أنا شايف خيالها .. اتني فين يا أمل ..

- (تخرج أمل وتبقي صامته وتطل من الشرفة على بقعة ضوء على نهاية المسرح تجسد القمر)
- (يتفحص مجاهد وجهها من كل جوانبه ليروي ظمأه وكمن يحفظه ليحدث به الجمهور)

مــــد،

متهيألي مش جميلة ما هي اللي تختفي بين الحيطان لازم يقل جمالها لكن (مترددا ثم يأخذ قرار) أنا شايفها أجمل وجه ؛ جمال رباني وطيبة قلب كفايا عينها لو تقربوا مني وتطوفو معايا وتشوفو عينيها لقعدتم معايا طول العمر

- ( ينتفض عندما ينظر إليها فيراها تنظر إليه ثم يتهيأ ليحدثها ) أنا شايف قمرين القمر اللي كنتي بتبصي عليه والقمر الثاني إنتي كل واحد فيكو قمر
- (تتركه وتشيح بوجهها للناحية الأخرى يعود وكأنه يرجوها أن تنظر إليه)

----- يا أمل يا حياتي ووجودى متبعديش عني أرجوكي - ( تتحرك لتنسحب من أمامه ويختفي ضوء القمر والضوء الساقط عليه ثم سرعان ما يعود ليسقط عليه وحده ويسمع صوتها الدافيء من الداخل)

صوت أمسل: عاوز ايه الشاب الواقف تحت البيت ، القلب المليان عطاء أصبح عطشان ومكان النهر بقى أرض جرداء زرتة في يوم وهو بيجف وشلت معايا ينابيع ميه وحاولت أعيده حاولت أعيد الرمق لعروق النهر لكن قتله القهر والقلب تعب والحل اتشوه وضاع بين الأبواب المقفولة والحب ضاع النهر في بلد النسيان

(يصفق بيديه في ضجر) قدري كده لكن الياس أنا عارف عمره ما يعرف طريقه للقلب أنا عارف البنت دي كويس جواها نضافة وطهارة متلوثتش ودي الحاجة الوحيدة الصبع جوه الأبواب المقفولة أيام كتير برغم كل اللي قالته من كلام بحس أنه جامد أجوف ملعون برغم كل ده لازم أشوفها ؛ مستحيل اسيبها (بيأس) لكن إزاى أشوفك يا أمل؟

- (يضع سبابته قريبة من جبهته رأسه وكانه يبحث عن فكرة) - لقيتها (يتجه ناحية الشرفة يسعل ويشهق وكأنه يكاد يختنق يمشي ويتعثر يتأوه بصوت مسموع تعود أمل لتطل من الشرفة وتري ما به من سعال وحشرجة فيضع يده في جيبه ويخرج مجموعة من الأوراق الصغيرة وينثرها أمامها وهي كما هي تنظر إليه صامته)

ريبزغ القمر فتلتفت إليه فيشعر مجاهد بالغيظ
 من هذا القمر ويحاول الشجار معه) (أغنية ياما القمر
 على الباب – أو القمر من فرحنا هينور أكتر)

مالك يا قمر مركز على البلكونة دي ليه انت فضولي بتطفل على الناس ليه ما بتقدرش مشاعر غيرك ليه أنا بحبها يا أخي صدقني إنت عمرك ما هتطولها والسبب بسيط هي مالهاش أجنحة وماتقدرش تطير لك وإنت ما تقدرتش تسيب مكانك وتنزل فهمت ؟ يا سارق ضوء الشمس وبتوهم أهل الأرض أن النور ده بتاعك وإنت أصلا اكتشفوك حجارة وطوب وغبار يا جبان أتحداك لو الحب اتمكن بقلبك دانا رميت عليها أوراق عمري (بسرع خارج المسرح ويأتي مهرولا حاملا خيمة مع موسيقي خارج المسرح ويأتي مهرولا حاملا خيمة مع موسيقي

مبجساهسيد:

تدل علي العمل والجدية ويأخذ في تثبيتها أسفل الشرفة ويشد حبالها في كل الجهات وما أن ينتهي من تثبيتها حتى تنهض أمل وتترك الشرفة وتغلق بابها) (ينظر إليها في حنق شديد ويكاد يبكي) ليه كده دانا ناوي أعسكر هنا (يجلس على الأرض ويبكي كالطفل)يارب أموت يارب أموت دلوقتي وأستريح منك يارب (يصهت ثم ينهض ليفك الخيمة) مفيش منك يارب (يصهت ثم ينهض ليفك الخيمة) مفيش فايدة — (يأخذ في فكها) — هذا حظك يا ولدي لمحبوب . هذا حظك يا مجاهد اليأس هو طريقك للمحبوب . هذا حظك يا مجاهد اليأس هو طريقك ومالكش دعوى باللي قاله مصطفي كامل لا يأس مع الحياة ولا حياة مع اليأس وهفضل أقول لا

- سنين طويلة وأنا بدور حوالين البلكونة دي والبيوت المهيبة المقفولة دي من يوم ما سمعتها وهي بتتكلم مع خالتها وبتطالب أنها تتحرر مش من البيوت ولا من البلد كلنا عايزين نتحرر من القهر اللي راكب فوقينا .. هذا الوجه الجميل اللي

يأس إلا مع اليأس ولا حياة إلا مينوسة (يتقدم

للجمهور حاملا الخيمة)

سابني مش إنسانة أبدا ولا عندها ذرة إحساس قلبها حجر ورياح وعواصف وغبار .. يمكن يكون غصب عنها

- (يبدأ في التحرك والخيمة فوق ظهره) . ضحيت عشانها بسنين عمري كلها وجت لحظة الوداع .. الوداع ربنا يسامحك

— ( يمضى وقبل أن يصل إلي نهاية المسرح يسمع فتح نافذة الشرفة وارتطامها بالحائط فيلتفت فجأة وتقع الخيمة من هو المفاجأة من فوق ظهره فإذا بها تناديه فيقف مذهولا محملقا فيها غير مصدق )

امـــل: كابتن مجاهد

- (بنظر البها مشدوها) لما شفتك متختفي جيت أعرف منك اجابة على تساؤلاتي أسيبك تمشي من غير أي أثر تسيبه والا أسألك وكإننا في حرب انت غريب ويا تري لو كلمتك هتكون انت الفايز والا أنا الفايزة وبإنسحابك من قدامي وإلا الفروض إنت اللي تفوز وحتى لو اللي عندي أو اللي عندك فضول السؤال اللي عايزه أسألهولك (تنهيدة) أقوي مني ايه كل اللي انت عملته ده أنا

شفت كل محاولاتك وحسيت انها محاولات بتموت وبتنتهي بالاستشهاد كنت باستخدم عقلي علشان منحرفش وأبقي في موقف مقدرش عليه كنت شايفاك أو متهيألي إني كنت شايفاك والحقيقة أن الرؤية صعبة عليا لأن عنيا إتعودت على العمي من اللون الواحد للحيطان اللي مبيتغريش ما حاولتش أستجيب لك لأني حسيت بكل صفعات العيب على وشي والكفوف اللي علمت عليه والي يصح واللي ميصحش

- مجاهد ( وما زال مذهولا يحاول الكلام فيتعلثم لسانه)

- ل .... لكن .... اه .... أنا أقصد

(ضاحكة) مالك ؟

بجساهسد: أيوه .. أنا

أنا اتجاهلتك لحاجة مهمة إني أجنب نفسي الشذوذ عن القاعدة وأجنبك إنت كمان أنا عارفة ان التجاهل تيار جامد جدا .. تعرف إني مرة نويت أفتح بقبضة إيدي فتحة في حيطة من حيطان بيتنا

مح<u>اهدن</u> وليه ماعملتهاش . . ؟

أمـــل القيت إيديا نملت وارتخت وخوفت ليوصفو بيتنا بأبشع الصفات

مجساهسد: يبقي الوضع هيفضل كده على طول وما حدش الهندية هيغيره هيغيره

أمـــل؛ أنا مش لوحدي اللي مطلوب منى التغيير

مجاهدة وأنا مش لوحدي لازم نكون كلنا

أم السبب في ضياعنا وضع هو السبب في ضياعنا وفي ضياعنا وفي ضياع مستقبل مدينتا إزاي هنغير وضع كلنا مشتركين فيه

بجساهسد: لابد من خطوة أمل يا أمل

أم اللي هخطي أول خطوة اعفيني أرجوك محمد الله اللي عارف إنك أقوي وأكبر من كل اللي بتقوليه ده

أهــــلن (تنهيدة عهيقة .. وتكهل) أنا مؤمنة بأشياء كتيرة وعظيمة وأعرفها كويس لكن مش قادرة أطبق حاجة منها

مجاهب النبي عملتيه تمثيل التجاهل والسكوت اللي عملتيه تمثيل المحكال الزم يكون عندك إرادة المحكال المحك

المسسسل؛ لو كان عندي ارادة كنت نزلت لك ووقفت قدامك أسمعك

بالعكس اللي احبطني حرص البشر انهم ما يخدشوش القواعد والأصول حتى ولو كانت ظالمة حتى ولو كانت بتقتلنا كل يوم .. قواعد جامدة مين اللى يقدر يرفع إيده ويكسرها

يا عزيزي أتمنى وأتمني أن أنزل أقف قدامك وأسمعك تحكى مشكلتك ونحاول نحلها سوالكن المستحيل هو اللي واضح قدامنا إلا لو كانت هناك أبواب مفتوحة أو أبواب غير اللي مقفولة قدامك (تنهيدة) كل الحكايات بقت حزينة وكنت أتمنى يكون لي قلب مش شبح قلب عصفت الرياح بيه الرياح اللي ورا بعضها وغمرته بالغبار ورغم كل ده أتمنى أن أسمع مشكلتك

وايه الفايدة هتسمعيها ليه وانت ما بقاش عندك قلب مع ان مشكلتي هي مشكلتك

يمكن تقدر تخرج من الكابوس اللي مسيطر علينا ونلاقي شعاع نتشيث بيه ونحل مشكلتنا اللي بقت أزلية

ما اعتقدش

- (ينهياً لحمل الخيمة " إلى اللقاء يا أمل الأن أودعك

لنلتقي بعد ألف عام يضحك بسخرية مستهزئا.. تعلو ضحكته لتملأ المكان ويتردد صداها ) ويبدأ في التحرك وهو يردد اللعنة للأوهام اللعنة للبيت المغلق لمدينة النسيان .

أمـــــل: (تضحك ترتفع ضحكاتها وهي تميل للخلف من شدة الساعة كام هنتقابل بعد ألف سنة

- (تظهر الخالة فجأة وتقف بجانبها هو يكاد يصل لنهاية المسرح حاملا خيمته)

خسالسة: بتضحكى لمين يا أمل؟

لن (ما زالت تضحك بصوت مرتفع ومتواصل بملأ المكان بصداه) شابغة شايغة (تضحك ثانية ولا تتمالك نفسها من الضحك) شايغة شايغة يا خالة الشحات اللي هناك ده شحات يا خالة قال إيه عنده فكرة لفتح الأبواب المقفولة (تستمر في الضحك)

مجساهسد: (سمع كلامها ويقف ناظرا خلفه) ربنا يسامحك ياأمل

- ( يحمل خيمته ويمضى بينما صدى صوتها يتردد في سمعه ) . شايفة يا خالة الشحات الي هناك ده قال إيه عنده فكرة لفتح الأبواب المقفولة

الخسالسة: ( في ثورة واختلاج صوت وارتعاشة ) مع السلامة بأفكارك يا حضرة الشحات مع السلامة لا انت ولا مليون زيك يقدر يفتع الأبواب

(يتوقف ليحدث الجمهور مشيرا إلى الأبواب المقفولة ..) بيوت مقفولة ملهاش أبواب والناس مبتخرجش منها لأي مكان أو لأي شيء تحتاج (خفوت الضوع) - (صوت صفارات عربات الشرطة والإسعاف والمطافي تقترب لنمتزج بما يقوله ليتردد صدى كل الأصوات (ایکو) مع إضاءة متقطعة بألوان مختلفة)

إنسان هذا البيت معدوم القلب (يزداد صفير العربات) مقتول الاحساس مابيعرف يكون والا إزاى تكون الناس

- (تنزل أصوات المشهد الأول مع خروج أمل ووقوفها مستغرقة في الضحك بجوار خالتها الواقفة دون حراك وأحزمة الضوء مستمرة تشمل المكان بإضاءة منقطعة وملونة).

صــراخ امــرأة:

حريقة الحقونا يا ناس البيوت اتحرقت فين المطافى الحقونا الحقونا

زعيسق رجسل:

دي مش حريقة دى بيوت مقفولة بيوت عايزة اللي يفتحها

صوت صبي: هاتولنا الشرطة أنا شفت الحرامي اللي قفل الله البيوت كل باب فقله بقفل كبير

صوت رجان والحرامي هيقفل البيوت دي ليه ، البيوت دى مقفولة من زمان

صوت شاب: (معلقا) الناس مبيتكلموش لا جوه البيوت ولا براها الناس في البيوت دي ممكن يكونوا التخرسوا أو عيانين أو مقتولين مفيش صوت لا لصغير ولا لكبير أنا بقول نطلب الإسعاف

زعيدة المرأة حرام عليكم الناس مش مقتولين ولا عيانين يمكن يمكن يكونوا مجروحين أو محروقين هما بخير بس البيوت مقفولة عليهم

- (تترد الأصوات السابقة واحدة تلو الأخرى وتختلط مع صداها والأضواء المتقاطعة وينطلق من خلف المشاهدين منادى يحمل مكبر صوت)

المنسسادى: أيها السادة هنا مدينة النسيان .. لا تقتربوا البيوت مغلقة .. البيوت مغلقة ويزداد للسعد على المسرح ويزداد تقاطع الإضاءة ويزداد الصوت وصفارة عربات الشرطة والاسعاف والاطفاء المتزج بهذا الصوت الجماعى)

- (يسمع صوت فرقعة شديدة مع إضاءات حمراء وزرقاء وصفراء متقطعة واستغاثات)

الخسالسة: (تصرخ) زلزال يا أمل (وتتردد هذه العبارة ايكو) أمـــــال:

ربنا استجاب سبحانك يارب

- ( يزداد صوت الفرقعة ويهدم البيت )
- ( تقع الشرفة والأبواب ويصبحا على المسرح كومة كبيرة ويظل باب واحد عليه قفل كبير لم يقع)
- ( يصرخ مجاهد ويمتزج صوته في زحمة الاستغاثات والفرقعات ودخان الهدم)

## أمل .. أمل

- (تختفى الإضاءة ما عدا بقعة من الضوء تركز على يد أمل المرتفعة من بين الأنقاض بينما يهرول رجلا الاسعاف يحملان الخالة على المحفة وينطلقان بها من وسط الجمهور وخلفهما رجال المطافي والشرطة وبقعة من الضوء ترافقهما ثم العودة إلى خشبة المسرح ، ويسرع مجاهد يتكوم فوق الهدم يحتضن يد أمل وهي في النزع الأخير تردد خللى بالك م المدينة يا مجاهد، يا مجاهد، خللي بالك من البلد، يا مجاهد مصر احضنها وحافظ عليها حطها في عينيك)

مجاهد: هعمل ثورة يا أمل حعمل ثورة المسرق بس اوعي يسرقوا منك الثورة يا مجاهد وتموت بدل المرة ألف يا مجاهد وتوت بدل المرة ألف يا مجاهد وتوت المسرح لتعرض وتنزل شاشة بيضاء تتوسط المسرح لتعرض مشاهد ثورة 25 بنابر)

# مسرحية خضرة والسواقي العطشي

### فكرة المسرحية :-

تدور حول الغربة والتمزق النفسي والحيرة التى تعيشها الزوجات لغياب أزواجهن لسنوات طويلة في بلاد البترول.

#### حدوتة المسرحية :-

عبد الحميد يتزوج خضرة ويمكث معها ساعات قليلة ويسافر بعدها إلى بلاد البترول يتواصل برسائله وشرائطه التسجيلية ثم ينقطع هذا التواصل تدريجياً وتظل خضرة تعانى ست سنوات تنجب خلالها ولدها سالم ، يعود إليها حسان رفيق الطفولة متمنياً الزواج منها يوعز إليها بطلب الطلاق ويزداد تفكيرها وصراعها النفسي ما بين الخروج من جلدها المتمثل في الأصالة والعادات والتقاليد والإرتباط بالأرض والولد لينتصر الأخيران.

يدفع سالم الباب ليدعوها بفرحة طفولية عارمة لتري مولود الجاموسة العجل الصغير الجميل حيث الجدة والعمة والخالة في انتظارها لتدفقة المولود ، تحتضن ولدها وتنطلق مع فرحته وقد قررت أن تعلمه كيف يحب الأرض ويحب ناسه ولا يبتعد عنهم كما ابتعد أبوه وأهل الكفر .. وسالم والأرض في انتظار عبد الحميد مهما طالت غربته .

### مكان المسرحية :-

أحد الكفور في قرية ريفية مصرية

### زمن المسرحية :-

منذ السبعينات وحتى اليوم ومغادرة الشباب لأوطانهم للعمل في بلاد البترول وغيرها مستمراً

# شخصيات المسرحية :-

1- خطرة : فتاة في ريعان شبابها خمسة عشر عاما .

. 2- عبد الحميد: الزوج المغترب عمره خمسة وعشرون عاما .

3- حسان اشقيق عزيزة صديقتها خضرة ويتمنى الزواج منها

4- عزيزة: صديقتها

5- وهبة : جارتها

6- المرأى: ( الماشطة والكودية ) في الخمسين من العمر

7- الجدة

8- العمة

9- الخالة

(ومجموعة البنات الريفيات)

#### المقدمة

عطش السواقى حدوتة ريفية من الزمن الجميل مفحمة بالموروثات الشعبية والأمثال والغناء الفولكلورى .. نقدمها لتراها الأجيال الشابة والصغيرة ليدركوا قيمة الصالة التى افتقدناها زمن عاشه الأباء كان كالثوب الطاهر النقى .

سوف يفاق أبناؤنا بين زمان واليوم بين العفة والحياء وبين التبرج والفجور ،الذي أتت به الفضائيات وعالم العولمة .

عطش السواقى نقدمها لك عزيزي المشاهد فى ثوب مسرحى.. (فرجة شعبية) .. لنتذكر من خلالها نحن الكبار زمان مضى بكل قيم الأصالة والأخلاق النبيلة للإنسان المصري ولتعيد التوازن للجميع، ونطرح للنشىء سؤالاً لنعيش القادم .. هذا هو زماننا فهل يختلف عن زمن

الفصل الأول

ً ليالي العرس

# اللوحة الأولى ليلتا الحنة وعقد القران

#### المنظر والديكور:

بيت ريفي يظهر به بعض اللمسات الريفية مثل:-

- تعریشة خشبیة من البوص والحطب وسعف النخیل تعطی إحساساً بالسقف الخشبی .
- إكسسوارات ريفية (ماجور العجين ، المطارح الخشبية ،
   المناخل .. إلخ)
- بعض العلامات المرسومة على حوائط الغرفة مثل كف الدم،
   الكعبة ، جنية البحر ، وبعض الصور الشعبية .
- تراصت كراسي الفرح في مربع ينقصه ضلعاً تملأه العروس والبنات عند بخولهن
- تنطلق الزغاريد فتسطع الإضاءة وتدخل إحداهن تحمل صينية الحنة المغروس فيها الشمع من كل جوانبها وباقى البنات حولها يصفقن ويغنين أغانى الحنة مع رقصاتهن الفلاحى.

- تخرج فتاتان على أثر زغرودة من الماشطة لتأتيا بكرسي الحنة ويفرشا عليه مفرشاً نظيفاً لتجلس عليه العروس .
  - تبدأ الماشطة في توزيع الحنة على البنات
  - تدخل العروس والبنات وتدفع الماشطة غطاء رأس خضرة.

## خصص رة: (بفرحة طفولية) - عقبالكوا كلكوا ياناس.

- (الماشطة تبدأ في تزيين العروس والتي تبدو صبية في ربعان الشباب)
- (البنات يبدأن في الرقص والأغاني الريفية يتخللها حوار البنات مع العروس)
  - عزيران يا بختك يا خضرة
- خسط سلم على يا ياختى دا مسافر الصبح يعنى كلها ساعات تتعدع الصوابع
  - -- (بعض البنات يقمن بقرصها في فخدها)
- خضرة؛ (صارخة) أي ، كفاية بقه هرتوني قرص إيه الحكاية يا بنات ؟
  - وهبسة علشان نحصلك ياخضرة
    - خيضرة: (مناديه للبنات) يا بنات
      - البنسات: أيوة يا خضرة

خسسرة: غنولى غنيوة

عسزيسسزة: غنيرة إيه ياخضرة

خضر فنيوة الواد على بتاع بنية الحمام ، اللي طلع .

السطوح ملقهوش

وهبسة: راح فين ياخضرة

خسطسسرة: باين راح ل ابوه (البنات بضحات)

عسزيسسزة: لا ياخضره لاف على غيره

خسطسرة: بالهوى (ضحكت البنات)

عسريسسرة عا بختك يا خضرة ، بكره يغرقك شيء وشويات

خصص رق، شيء وشويات إيه يا عزيزة

عسريسسزة، إيشي قمصان أيشي فساتين حرير، دا غير الكردان والغوايش والذي منه

وهببسة: عارفين يا بنات

البسنسسات: هيي

وهببسة؛ البت خضرة دى باضت لها فى القفص خدت عبد الحميد اللى كل بنات الكفر كانت مستنياه دا بكره يخليها ست الستات

خسضسرة: (تغنى ردا عليها والبنات يرددن خلفها)

القرد إشتاق للشعرية ، يا ناس متغاظة ومهرية (يثبت المنظر لتنزل الأصوات النالية)

صــــوت

عبد الحميد: بكره يا خضرة لما نجوز حملالك حجرك بالورق الأخضر اللي ينفع في اليوم الأخضر يا بت الورق الأخضر اللي ينفع في اليوم لغبر، أمال دى بلاد البترول دى فيها الخير ياما

صوت العمة: (أجش) إفهمى يا بت يا خضره اوعى تنسي حاجة الليلة دي ، الليلة دي غير أيتها ليلة فاهمانى يا بت ولا لأ .

خصصرة، أيوه يا عمتى فاهمة أنا حعمل زى مانتو قولتولى وخلاص

صوت الخالة؛ إنتى يا بت يا خضرة بت يا خضرة

خصصرة: أيوة يا خالة

مسوت المخالة: فاكرة يا بت السنة اللي فاتت لما جوز عمتك ودانا السيما اللي في البندر

صبوت خطرة: (ضاحكة) أيوة يا خالتى دا كان فيلم مسخرة وقلة حيا

صبوث البخالة: عليكي نور، أهى المسخرة دى وقلة الحيا محتاجينهم الليله دى .

صبوت العمة: (محذرة) إسمعى يا بت يا خضرة من بكرة هاتبقي مرات عبد الحميد يعنى ملكيش قعاد مع لبنات ،

قعدتك من هذا ورايح مع الستات

- (تنهض العروس مع البنات يغنين ويرقصين مع خفوت الإضاءة تدريجياً وهن في طريقهن للخروج من بين صفوف الشاهدين حنة تختفي .

- ينطلق صوت المزمار البلدي تعقبه زغاريد وتسطع الإضاءة على المسرح لتدخل فرقة الطبل البلدي وخلفها البنات والشباب، يتقدم الفرقة العربس رافعاً يديه محيياً الجميع وتبدو الأنوار المعلقة على المسرح والفراشة)

- (يدخل المأذون بلتف حوله الرجال وتؤدى الفرقة الغنائية الراقصة ثم تبدأ في الإنسحاب على يميني المأذون وشماله والد العروس والعريس)

السمسانون ؛ التوكيل ابن التوكيل يا جماعة

(يتجه أحد الرجال إلى الداخل وبصحبته أخر سائلاً خضرة وبصوت مرتفع)

الرجسان وكلت مين ياخضرة ؟

خصصرة: (رافعة صوتها من الداخل) وكلت أبويا

السرجسسان ربنا يتمم بخير

الرجالان: يهرولان للمأذون وبصوت واحد، العروس وكلت

أبوها

(فتنطلق الزغاريد)

المسانون: هات ايدك يا عريس ، هات إيدك يابو العروسة

(يضع المأذون يديهما في بعضهما ويغطيهما بمنديل أبيض ويأخذ في عقد القران) بسم الله الرحمن الرحيم (ومن أباته أن خلق لكم من أنفسكم أزواجاً لتسكنوا إليها وجعل بينكم مودة ورحمة ، إن في ذلك لأيات لقوم يتفكرون) إسمك يا عريس

العسريسس عبد الحميد حميدة عبد الحميد

المسلفون: اسمك يابو العروسة

والد العروسة : أبو خضرة

المسأذون : منا عارف إنك أبوها ، إسمك انت اللي في البطاقة

والدالعروسة : قول كده ، خضر خضير الخضراوى

(يثبت المنظر)

صوت العمة: (الأجش) خلاص بقه يا خضره ، من هنا ورايح

اللي يقولك عليه عبد الحميد تنفذيه على طول

صوت خضرة: بس انتوا مربتونیش علی كدة

یا عمتی

صوت العمة: روحي أن شالله تأكلك عرسة ولا ديب ميت م

الجوع

( زغوتة طويلة )

المساذون: مالوفاء

بالوفاء والبنين إنشاء الله

(تخفت الإضاءة مع زغرودة طويلة وتختفى بانتهائها بينما تنطلق دقات الدفوف وتسطع الإضاءة لتدخل فرقة التنورة تؤدى فقراتها وسط العروس والبنات)

- بنستسار -

# اللوحة الثانية (بيت العريس)

# مشهد ليلة الدخلة المنظر والديكور:

غرفة معيشة ريفية بسيطة باهتة اللون ، تزين جدرانها بعض الإكسسوارات الريفية

- للغرفة ثلاث نوافذ إحداهما في صدر المسرح أسفلها أربكة النافذة الثائثة الثانية على مين المسرح أمامها سرير بعمدان حديد والنافذة الثائثة بجوارها باب الغرفة ومعلق بجواره ( زلعة )
- خضرة منزوية بفستان الفرح على الأريكة ويدخل عبد الحميد وعلى الفور يخلع جلبابه ويظل بالسروال.

خصصصرة: يالهوى بتعمل إيه يا عبد الحميد

عبدالحميد: (بهمة) يلا يا خضرة قومى ، إنتي حتفضلى قاعدة بطرحتك دى

خسطسسرة: ليه هو فيه إيه ؟

عبد الحميد: قومى يا بت الناس خللى ليلتنا تفوت

خسطسرة: هقوم أروح فين يا عبد الحميد ؟

عبد الحميد: قومى علشان ننام زى مخاليق الله

خصصصرة: أخرج انت نام برة

عبد الحميد: (زاعقا بعصبية) يا بت قومي خلينا نفض الشكلة

خسطسسرة: مشكلة ايه دى انت لحقت تتعارك مع أبويا

عبد الحميد؛ مفيش مشاكل يا خضرة مع أبوكي ، المشكلة

معاكي انتي

خصصرة: مشكلة إيه يا عبد الحميد

عبد السحميد: المشكلة اننا لازم ننام الليلة سوا مع بعض على السرير

خسطسسرة: يعنى ما ينفعش كل واحد ينان لوحده ، والا انت خايف تنام لوحدك يقوم يطلعلك عفريت

عبد الحميد: الله ينور عليكى ، أهه عمري ما حيطلع لى عفريت وانتى جنبي ، (وهو يقترب منها ويناوشها) علشان كده لازم تغطيني وتخافى عليا يا مراتى ياحلوة

خسطسسرة؛ اوعى كدة يا عبد الحميد عيب

عبد الحهيد: يا بت انتى عبيطة ، هما الحريم ما قعدوش معاكي وفهموكى

خصصرة: قعدوا معايا أيوة وفهمونى أه إنى لازم أطيع جوزى وأطبخ له ، وأغسله خلجاته ، مش انتوا بتجوزونا علشان كدة ، لحنا نطبخ ونغسل ونبص م الشباك نستناكم دانتم جايين يا عيني شقيانين وجايبين لنا الفلوس ، مش كده يا عبد الحميد والا فيه حاجة ثانية

عبد الحميد: (مقاطعا) يا بت قومى وخلصيني ، كلتها ساعتين عبد السفر

خصص وقدامك ساعتين بس يا عبد الحميد قال على رأى المثل (جت الحزينة تفرح ملقتهاش مطرح) ولزمته إيه الجوازيا عبد الحميد لما قدامك ساعتين بس .

عبد الحميد: يا بت قومى أنا مش مسافر أدلع ، أنا مسافر أجرى ورا الرزق .

خصص رق المعدد ا

عبد الحميد: انتى يا بت جبتى الكلام ده منين ، ونس ايه ولمة ولقمة هنية من دي لحنا يا خضرة عايزين نعيش زى بقيت الخلق زى كل الناس ، فاهمة يعنى إيه عايزين نعيش ؟

خصص ما هى الناس عايشة عمرك سمعت فى يوم ولا شفت حد مات م الجوع علشان تطفشوا وتسيبوا بلدكم للأغراب.

عبد الحميد: بكرة يا خضرة عشيتنا مش حتبقي على قدنا لوحدنا حيبقي فيه عيال يبقى يلزمنا بيت وغيط وأرض تكون لينا ولولادنا من بعدينا ، مش نفضل طول عمرنا أجريه عند اللي يسوي واللي ميسواش .

خصصرة؛ والعيل اللي حاييجي لزمته ايه في الدنيا وابوه بعيد عنه ، هايتربي ازاى يا عبد الحميد وأبوه متغرب وأنا يا عبد الحميد هاتسبني لوحدى لمين ؟ عبد الحميد: انتى بدوري على نفسك يا خضره لكن أنا يا بت بدور على مستقبلنا أنا وانتى وعيالنا اللي هايتربوا وسطينا لحد ما يرعرعوا وما يبقاش ناقصهم حاجة ، وانتى يا خضرة مش عايزة

الحرير والدهب والخير بتاع برة .. دنا بكره حلبسك كل اللى طول عمرك بتحلمي بيه وأديك عارفة كل اللى سابوا الكفر وسافروا رجعوا عملوا ايه اللى اشتري وابور طحين واللى بني بيت وعلاه ولحنا مش أقل منهم يا خضرة ، عايزين نعمل مستقبل لولادنا اللى جايين

خسطسسرة: وهو كل واحد يا عبد الحميد عايز يعمل مستقبل لولاده لزماً يسافر ، ما ينفعش نعمل مستقبل لولادنا في بلدنا

عبدالحميد: لاياخضرة

خصص بنقي فيه حاجة مش صبح يا عبد الحميد فيه حاجة حصد الحميد فيه حاجة مش دريانين

عبد الحميد: (يقترب منها جاذبا طرحتها) لا فيه حاجات مش حاجة واحدة وانت مش دريانة ولا عارفانة وبقيتي خرفانة

خصطسرة؛ اوعى عيب يا عبد الحميد

عبد الحميد: (ببدأ في مطاردتها) عيب ، ما عيب إلا الشيطان دا الفجر يا بنت الناس عايزين نلحق نجيب لنا عيل باقى ساعة عالسفر

خضر رة: وهي الساعة دي اللي هاتلحق تجيب فيها حتة عيل

عبد الحميد: ويقيض كمان

خف سرة؛ اه علشان حيفيض نجيب حته بت كمان بالرة

عبد الحميد: يا خضرة انتى مش عايزانى أبقى كويس

خصص رق: مين اللي قال كده اذ كان عليا انا بتمني ومنى عيني انك تبقي سيد الناس كلتها بس هنا في الكفر وسط أهلك وناسك

عبد الحميد: انتى مش عارفة المثل يا خضرة اللى بيقول الدراهم مراهم تخلى للعويل مقدار

خصصصدة: وافرض لقيت الدهب والحرير ، المراهم اللي بتقول عليها دى حتهنا بيها ازاى لوحدى والبسها لين وجوزى متغرب عنى ، قطع الطشت الدهب اللي اطرش فيه الدم

عبد الحميد؛ (بهدوع وتوسل) انتى مش هتعملى يا خضرة زى ما الحريم قالولك ؟

خصصرة؛ وانت مش الرجالة قالولك ؟

عبد الحميد؛ أيوة يا خضرة

خصصوة: قالولك ايه يا عبد الحميد

عبد الحميد: قالولى أعمل كده ..

- (تبدأ دقات الدفوف فيجذب طرحتها ويطرحها أرضاً تعلو دقات الدفوف تدريجيا فتقف خضرة وتجري ويلاحقها ويوقعها على الأرض، تزداد دقات الدفوف مع الإضاءة المتقطعة وخفوتها تدريجيا كلما ارتفعت دقات الدفوف ، يزداد عراكهما تختفى الإضاءة مع صرخة مدوية للظلام

- عقب الصرخة ، تسطع الإضاءة تدريجيا وتنطلق أصوات غناء البنات وهن يدخلن من خلف الجمهور متوجهين إلى المسرح وإحداهن ترفع (المحرمة) مخضبة بالدماء ويرددن (قولوا لأبوها إن كان جعان يتعشى) - ينطلق صوت المزمار والطبل البلدى وتدخل الفرقة إلى المسرح لتلتقى بالبنات القادمات ويؤدى الجميع الرقص مع والد العروس ثم رقصته (التحطيب) ويخرج الجميع من وسط الجمهور أيضاً مع خفوت الإضاءة تدريجيا حتى تختفى .)

#### - ســـــــار –

الفصل الثاني أيام الغربة

# اللوحة الثالثة

المشهد: حياة خضرة بعد سفر عبد الحميد المنظر والديكور:

- عودة لبيت عبد الحميد (نفس المنظر والديكور)
- تضاف صورة بورترية ببرواز لعبد الحميد يطل من صدره شعر كثيف يوحى بفتوة شبابية
  - (يفتح الستار/إظلام تام مع ناي حزين)
- يبدأ في الظهور وجه القمر تدريجياً من إحدى النوافذ الجانبية مرسلاً شعاعه فيغطى وجه خضرة حتى بشملها وهي جالسة على الأريكة غيك إحدى ثيابها
  - تلف رأسها منديل محلى بورود داكنة مع بصيص من اللون الفاغ
    - ترتدی جلباب ریفی اسود
- يعانق صوت الناى موسيقي حزينة بينما خضرة شاردة تفكر، تتوقف حيناً عن حياكة ثيابها لتخرج من أعماقها تنهيدة عميقة وهى تنظر

إلى الأمام ثم حالة من الضيق والعصبية تمتزج مع موسيقي صاخبة تعلو وتهبط، تلقى خضرة ما في يدها جانباً وتنهض منطلقة خلف أصوات الخالة والعمة والجدة القادمة من النافذة اليمني تارة ومن اليسري تارة أخري، تسرع خضرة جيئة وذهاباً بين النافذتين مع ارتفاع صوت مناداتهن الممتزج بصوت الموسيقي

صوت الحماة: خضرة يا خضره ، راحت فين البنت دى يا ربي، يا خضرة يا خضرة

خصرة: أيوة يا خالة أم عبد الحميد

صوت الحماة: يلا علشان تكنسي الدار وتجهزى لنا الفطار

صوت العمة: (أجش) خضرة ، يا بت الطرمبة معادتش بتجيب غير مية سودة معكرة يلا عشان تملى لنا المية

وتغسلي المواعين والهدمتين

صوت الحماة؛ يا خضرة البنات كلتها راحت الترعة من بدري

خصصصرة؛ (تقف ويزداد ضيقها وسخطها) يووووووه

صوت الجدة؛ انتى لسه مصحتيش يا خضرة لغاية دلوقت ، ما

تيلا يا بنتي عشان نقضى حاجاتنا في النور

خصصرة؛ (ما بين النافذتين) طيب حاضس

صوت العمة: (الأجش بعصبية) يا خضرة البنات كلتها راحت

الترعة من بدري خليكي نايمة زى الجاموسة

خيضيرة: أنى جاموسة يا عمتى

(تنظر إلى صورة عبد الحميد، شايف شايف يا عبد الحميد أهلك بيقولوا على ايه بقيت جاموسة وانت السبب)

صوت الجدة: خضرة ياخضرة

خصصوت الحدة: يلا يا بنتى الحمار من امبارح مكلش ( بسمع

نهيق الحمار) اهه سمعتى

خيضرة: حتى انت يا حمار الكلب مش صابر عليا

صوت العمة: (الأجش) ما تيلا يا خضرة الجاموسة حنت وعايزة تنطب (تتحرك خضرة ناحية الزلعة تمسكها بكلتى يديها وختضنها مع خفوت الإضاءة وتسمع أصوات دوران الساقية والجاموسة

- تنكرر أصوات العمة والخالة والجدة بشكل أسرع ( ايكو ) متزجاً بالإيقاعات والموسيقي الصاخبة بينما خضرة تهرول ما بين النافذتين وتزداد سرعة هرولتها مع خفوت الإضاءة حتى تصطحب رأس خضرة فتدور حول نفسها صارخة)

خــضــــرة؛ كفاااية .. كفاية حرام عليكم (صرخة مدوية تنطلق منها ثم تسقط على الأرض)

# اللوحة الرابعة

المشهد: السبوع وطهور المولود

المنظر والديكور:

- نفسه (بیت عبد الحمید)

- (يفتح الستار/إظلام تام/تسقط أصوات الخالة والعمة)

صبوت الخالة: وهو احنا عملنا حاجة ، هي مش بتخدمنا زي ما

كل البنات بتخدم أهاليها

صوت العمة: (الأجش) اهى وقعت من طولها يام عبد الحميد

(دقات متواصلة على الباب ونداءات من الخارج)

النسداءات: افتحي يا عمة ، افتحي يا خالة ، خضرة جالها

الطلق والداية سعدية بتولدها

صسوت العمسة

والخسالية: (بتولد)

طقوس سبوع المولود

- (سطوع الإضاءة تدريجياً مع دقات هون وزغرودة / دخول الصبية والبنات يحملون الشموع ومنخل به طفل والصينية والأبريق / يسمع بكاء الطفل الممتزج بالزغاريد)
  - (تنطلق البنات لتغنين أغانى السبوع)
- (برجالتك حلقة دهب في وداناتك، يارب يا ربنا تكبر وتبقى قدنا ... إلخ ثم دقات هون مع حوار البنات)

بسنست 1: اسمع كلام أمك

البنسات: (يرددن خلفها) اسمع كلام أبوك

بسنسست 1: ما تسمعشى كلام أبوك

البنسات: ايوك

بسنست 2: ما تسمعشى كلام ستك أم أمك

البسنسات: أمخضرة

بسنست 2: اسمع كلام أم أبوك

البسنسات: أم عبد الحميد

(ينظلقن في الغناء وينزلن بزفة المولود وسط الجمهور وهن في طريقهن للخروج)

بسنست 3: الله واحد

البنسات: واحد

بسنست 3: مالوش تاني

البنسات: تاني

( ينطلقن في الغناء .. اجري هنا واهشي هناك / نط هنا والعب هناك / يارب يا ربنا تكبر وتبقي قدنا - تخفت الإضاءة تدريجياً لتختفي بعد خروجهن)

## - إظـــالام -

(بكاء طفل 5 سنوات سطوع الإضاءة تدريجيا – البنات والأطفال يدخلن المسرح يتوسطهم طفل خمس سنوات يمشى خطوة خطوة جاذباً بيده اليمنى جلبابه الأبيض) للأمام – يدخل شاب يحمل صينية النقوط)

البنسسات: (يغنين) داري يا مزين داري ، سمعنا عياط الغالي (يطوفون بالطفل والصينية وسط الجمهور و المشاهدين وحتى خروجهن من الأبواب الخلفية )

-- سيتار --

# اللوحة الخامسة

الشهد: الساقية

المنظر والديكور:

- لوحة للأرض الزراعية في صدر المسرح
- أمامها ساقية تظللها شجرتا جميز وبعض النخيل
- خضرة وصاحباتها عزيزة ووهيبة يصلون إلى الساقية وهن يحملن زلعاتهم ، يضعن الزلعات جانباً ويجلسون

المحدث يا خضرة الرجالة دول ملهمش أمان محدش يصدقهم أبداً دول كلتهم كدابين بالأخص لما بيكونوا بعاد عنتا بيبقوا ناسينا يا خضرة

فسطسسرة؛ (بخوف وحسرة) إزاى يا عزيزة

عسزيسسنة؛ بيعملوا اللي هما عايزينه في بلاد الغربة ، انتي نسيتي حكاية عمك زايد اللي سايب بدرية مرايه من تمن سنين ولا جاش

وهببسة لأوايه بدرية ياعيني مستنياه عندها أمل انه راجع (ضاحكة)

عسزيسسزة: تبقي تقابلني (تعلوضحكات عزيزة ووهيبة) يلأ قوموا يا جماعة علشان ما نتأخرش

خسطسسرة؛ أنا مش قايمة روحوا انتوا وسبونى (عزيزة ووهيبة ينهضان وينصرفان)

وهيبه فوتناكي بعافية يا خضرة (عزف ناى حزين يعبر عن الحالة التي تعيشها خضرة وقد طالت غربة عبد الحميد)

خسسرة: (خاورنفسها)

أل يا مأمنة للرجال يا مأمنة للمية فى الغربال وليه ما يكونش عبد الحميد لاف على واحدة تانية زى ما بيقولوا وأنا هنا نايمة على ودانى

صوت ضميرها؛ لا يا خضرة عبد الحميد نضيف ولا يعرفشي الخيانة أبداً

فسضرة وحتى ولو مكانشى اجوز ما هو غيابه بالشكل ده وعدم سؤاله على وعن إبني ما يعتبرشي خيانة ماهو البعد عن العين بعيد عن القلب (ننهيده) منك لله يا عبد الحميد

صوت ضميرها:

خسطسسرة:

یا بت هدی نفسك متخلیش الظنون ترکبك والشیطان یلعب بدماغك ولا انتی بدوری لنفسك

على حجة علشان تجري وراحسان

الإبرة اللى فيها خيطين ما تخيطش أنا ما بعملش حاجة غلط وكل حاجة ممكن تحصل حتكون حسب شرع ربنا والا هو حلو للرجالة وممنوع علينا دى كانت ليلة وفرقها صبح ولا كإننا لحم ودم وياما قلت له اللى يخرج من داره يتقل مقداره واللى خلق لشداق يكفل بالأرزاق.

صوت ضمیرها:

وحتى ولو كان اتجوز ده من حقه طالما أنه على سنة الله ورسوله

خسطسرة:

(ثائرة على ضهيرها) وانا اللى ما يخدنيش كحل في عينه ما خدوش برطوشة في رجلي هي ، هو احنا حنفضل كدة لحد ما نموت مالناس حق نحب ونتحب ولا يعنى حفضل عمرى كله محبوسة بين أربع حيطان تضيع فيهم حياتي ويروح شبابي وأبقي زي الوردة الدبلانة ولو جه ولقاني كده يهرب مني (موسيقي معبرة فيها بصيص من الأمل ويظهر حسان فجأة)

حسان انتى بتكلمى نفسك يا خضرة

خصص من المفاجأة يا اما مين هو انت

حسان: أيوة أنى حسان يا خضرة بشحمي ولحمي ايه مالك مخضوضة كده

خسسرة: حسان

حسان؛ أيوة يا خضرة

خفض رقة انت عاوز إيه بالظبط يا حسان

حسان؛ اتا عايز أقول حتفضلى لامته يا خضرة تهربي من نفسك لنتظار طول والزمن عمال بيجري زى الساقية تمام

خصص رة؛ وأنا بإيدي أعمل إيه يا حسان

حسان: مشعارفة أيه (مستهزئاً) خلاص خليكي زي اللي مربوطة في الساقية بتلف معاها

خصص رق فی غضب ودلال) یعنی أنی جاموسة یا حسان ، هو انت كمان

سلطان، ما تفهمنيش غلط يا خضرة ، أنا كل اللي عاين أقوله إننا كلنا بنلف في الدنيا دى زى الجاموسة اللي عماله بتلف مع الساقية أيام ورا أيام وشهور وراها سنين لحد ما تقل عافيتها ويدبحوها وما

تحسش في يوم أنها عاشث زي بقيت الجواميس

خفسرة: انت خلاص يا حسان عملتنا كلنا جواميس

حسان: (حائراً) يا خضرة أنا أنا نفسي تفهميني ، أنا كل اللي عايز أقوله مش عايز أشوفك مربوطة ست سنين ست سنين يا خضرة و عبد الحميد مرجعش وانتى عارفة أنا بحبك قد إيه

خصص وأنا جعمل إيه يا حسان

حسان: لزمن نشوف حل ان شالله أروح للعمدة وأكلم كل ناس الكفر

خصط الم موصلناش لحل يا حسان

حسسان: ببقی مفیش غیر حل واحد بایدك انتی لو كنتی بر مین میندی بتحبینی زی ما بحبك

خسطسسرة؛ أيه هو يا حسان

حسسان: تطلبي الطلاق

خصصصرة: (تفيق فجأة) بالهوى

حسسان: (مؤكداً) أيوة تطلبي الطلاق وده حقك الشرعي ربنا ما قالش واحدة تتجوز يوم واحد وبعدين تتحبس ست سنين بين الحيطان ومش عارفة اذا كان جوزها راجع ولا لأ.

خسطسسرة: (في حسرة) والناس

حسان: مالها الناس

خصص رة: الناس حتقول على إيه يا حسان لما أنا اللى أطلب الطلاق

حسان: الناس حتقول إيه يعنى واحدة إطلقت وإجوزت على سنة الله ورسوله ، وأمير المؤمنين يا خضرة عمر بن الخطاب رضى الله عنه سأل حفصة قالها قد إيه الواحدة تستنى جوزها إذا غاب عنها

خيضيوة: وقالت له إيه ستنا حفصة ربنا يرضى عليها

حسسان: اسالى كل الناس وهى تقولك وأن قالولك ست سنين يبقي أنا معرفش حاجة ولا أنيش حسان

خسطسسرة: يعنى الست تنتظر جوزها قد ايه يا حسان بدل ما أسأل واجيب الكلام لنفسي

مسان؛ الواحدة يا خضرة المفروض تنتظر جوزها الغايب (للجمهور) كام شهر والاكام سنة يا جماعة (فترة صمنة على مسمنة) أهم قالولك يا خضرة دا انت

خسطسرة: أنى إيه يا حسان

حسسان؛ انت يا خضرة زى الأرض بالضبط لو متروش تجف وتبور خصصرة: وإيه كمان (يتحركان ليجلسا تحت الشجرة)

حسسان: وشوية الخضرة اللي مرعرعين قدامي دول ينشفوا ويدبلوا

خنضرة: للدرجة ديه يا حسان

حسسان، طبعا يا خضرة

خصصرة: (بدلع)بس الأرض لسة بخيرها يا حيان ومرعرعة وموش بس كده

حسان: (بلهفة) أمال إيه يا خضرة

خمضرة: ورور وحياتك (يضحكان)

حسسان: لیه بتتروی شیطانی

خمصرة: (غاضبة بدلال) إخص عليك يا حسان

حسان: أنا قصدى الأرض مش انت يا خضرة

خـطــرة: (شاردة)

حسان، خضرة انت يا بت

خف رة؛ ايوة ياحسان

حسسان؛ روحتى فين

خط رق: لا روحت ولا جيت يا حسان أديني قاعدة جنبك

حسان: ما هو كل مرة بتقعدى جنبي وكل ما تمر قطة ولا عرسة من جنبنا تقومى تجري زى ما تكون نطت عليكي تبقي منين قاعدة احنا قاعدين في المنوع يا خضرة

خصصرة: يعنى إيه ؟

حسسان: يعني عايزين نقعد رسمي في النور زي مخاليق ربنا (صوت سعال شيخ الغفر من بعبد ومناداه)

صــــوت

شيخ الغفرد من هناك؟

خـطـــرة؛ يا نهار اسود

حسسان: انی حسان

صــــو ت

شيخ الغفر وبتعمل إيه ياحسان

حسسان، بعد النجوم يا شيخ الغفر تيجي تعدها معايا (يبتعد الصوت)

صـــــو ت

شيسخ الغيفرا لأخليك عدها لوحدك

خصصرة: (ضاحكة بخوف) يخرب شيطانك يا حسان دانت دانت دانت داهية

حسان: أمال عايزانى أقوله إيه بعد النجوم أنى وخضرة / تعالى عدها معانا علشان منتلخبطش (أصوات وخطوات جماعية)

خصصدة: يالهوى (تهرول) أنى ماشية

حسسان: (مهرولاً خلفها) وحتعملي إيه يا خضرة (بتوقفان)

خسطسسرة؛ في إيه

حسسان؛ لو موصلناش لحل هتعملي زي ما قلتلك

خسسرة؛ وسالم والأرض ياحسان

حسان الأرض بتتكلم هندي يا خضرة مالها الأرض ، وسالم حيبقي في عنيه والأرض أنا عندى أرض زيها وأكثر شوية وحكتبلك خمس فدادين زي الغناوى ما بتقول وحنزرعهم فلفل وشطيطة

خطسرة: (ضاحكة)حسان

حسسان: ياعيون حسان

خمضرة؛ أنى خايفة على سالم

حسسسان، انت وسالم في القلب وجوه عيوني

خسطسسرة؛ دا سالم یا حسان علی أمل أن أبوه راجع ، دا کل یوم یبص فی صورته ویکلم روحه ( تثبت الحرکة لینزل صوت سالم)

صبوت سالم: هو أبويا طول ليه ياما ، نفسي أشوفه ، ياريت ياما يرجع ان شالله أشوفه ويسافر تاني

حسسان، یعنی انتی عندك أمل انه راجع

خصصرة؛ ايه – ما – مش عارفة ياحسان

حسان؛ عبد الحميد با خضرة قعد معاكي ليلة فرحك ساعة واحدة وفي الفجر سابك وساب الكفر وقال يا فكيك ومرجعش لغاية دلوقتي ، دول ست سنين يا خضرة لاحس ولا خبر وحبنا قتله لنتظار .

خسضرة؛ ماهو

حسسان: (بتبادل بدیها بین بدیه)

ما هو إيه يا خضرة مفيش غير الطلاق ونتجوز على سنة الله ورسوله

خط رق معب يا حسان صعب دا أنى صعب يا حسان صعب دا أنى حسان (مقاطعاً) لا أنى ولا أنتي يا خضرة وانت تريدي

أنا أريد

(في استسلام) والله يفعل ما يريد (تخفت الإضاءة مع إنطلاق صوت الأرغول أو الربابة وموال معبر عن هذه اللحظة مع خفوت الإضاءة والموال تدريجياً وصوت خضرة بتردد متناغماً) والله يفعل ما يريد مع تردد صوت سالم هو أبويا طول ليه ياما نفسي أشوفه،، ويتدخل صوتهما (إيكو) ويخفتا تدريجياً مع خفوت الإضاءة

– ســــــار –

## اللوحة السادسة

الشهد: معاناة خضرة

المنظر والديكور:

- عودة لبيت عبد الحميد
- ناى حزين وسطوع الإضاءة تدريجياً بينما تلملم ( ملابس ) عبد الحميد وتضعها في صندوق ومعها عزيزة وهيبة يواسونها ويشدون من أزرها / ينزل صوت عبد الحميد

خسضىسرة:

عبد الحميد؛ هانت يا خضرة

ست سنين داوقتى يا عبد الحميد ولسه بتقولى هانت ( تغني بحن ) والله اليتيم حزنى همه / لما لقيته جاى ماشى ورا عمه / والله اليتيم حزنى همه / لما لقيته جاى ماشى ورا عمه / والله اليتيم حزنى همه / لما لقيته جاى يبكي ورا خاله .

-(وهبة وعزيزة يرددون معها أهات ختفى تدريجياً

# - إظلام وبكاء طفل وتعود الإضاءة تدريجياً)

صوت عبد الحميد: هانت يا خضرة سلميلي على سالم ولدى وأمى يا خضرة وأخواتى

خصصورة: الست سنين عدت يا عبد الحميد ولسه بتقولى هانت

وهيبية: هدى نفسك يا خضرة

عسزيسسزة: أدى الله وأدى حكمته هتعملي إيه يعني

خيضيرة: كل ما يبعت لى مرسال يقولي هانت

- (ناى حزين مع خفوت الإضاءة تدريجياً وانسحاب وهيبة وعزيزة ودخول طفل في السادسة من العمر منكسراً)

الطفيسل: نفسى أشوف أبويا ياما

تعالى يا ضنايا ( تأخده في حضنها وتربت على ظهره، هي تنظر لصورة عبد الحميد)، شايف ابنك بيسأل عليك ازاى يا عبد الحميد ست سنين دلوقتى سايبني أنا وسالم بين الحيطان قال ايه عبد الحميد مسافر علشان يعمل مستقبل لابنه داحتى الواد مستقبله يبقى أحسن لو أبوه معاه، هو كل واحد يجيب له حته عيل يسافر وميرجعش

وحجته انه حيعمل مستقبل لابنه ، دى تلكيكه يا ناس الرجالة بيعملوها ويطلعوا يشوفوا الحريم بتوع برة أيوة أمال إيه ، وبيلبدوا هناك مش عايزين ييجوا .

خضرة: (لابنها) انت متنام يا حبيبي

سالسم: نفسى أشوف أبويا ياما

خصصرة: (تغنى له وهى تربت على ظهره)

يا طالع الشجرة ، هات لى معاك بقرة تطب وتديني بالمعلقة الصيني والمعلقة انكسرت يا مين يربيني (يهدأ صوتها وهي تردد الأغنية وتمدد بجواره وهي تردد الأغنية حتى ينام)

لينا ربنا يا ضنايا (بقعة من الضوء تشملها)

– (پنزل صوت نواح جماعی)

- يا مين يجيب لى حبيبي وياخذ من عيونى عين ، ردوا العوازل وقالوا بدل الحبيب اتنين أنا قولت قسما بربي ما تفوت حبيبي ولو راحت فداه العين،ن نادى المنادي وطوح النبوت ، روح بلادك يا غريب لتموت

خصصرة: (تنهض فجأة لتحدث ولدها النائم وهي في حالة

هستيرية) أبوك جاي يا سالم أبوك جاى اصحا، حاييجي أمال ايه ان شاء الله جاي ، دلوقت حاييجي وهتسمع خبطته ع الباب وبعدين افرض يا سالم انأبوك ماجاش يبقي احنا هنا عليه ، خلاص هو حر ، هو كمان هان علينا أمال ايه، هان علينا الغالى ، بس دا غالى قوى يا سالم يثبت منظر خضرة وينزل صوت النواح الجماعي الحزين

صبوت النبواح:

اح: خلجك حدانا فى محرمة مصرور ، وان طال غيابك يا عزيز ما تهون ، خلجك حدانا فى محرمة مقطف، وان طال غيابك يا عزيز يا عزيز ترخص

خسطسسرة؛ ما ترخص أبدا يا عبد الحميد دانت غالى قوى صسسوت

عبد الحميد: هانت ياخضرة هاتن ياخضرة

خصص بصراحة مشتاقة في يا عبد الحميد بصراحة مشتاقة لك قوى والواد سالم كمان مشتاق لك تعرف بيقول ايه

صوت سالم: (بينما تدخل البنات واحدة تلو الأخري بلنففن حولها) أبويا شكله ابه ياما ، هو زى الصورة دى بالظبط

خــضـــر۵:

مش عارفة أرد عليه يا عبد الحميد دنا ما شوفتكش من ست سنين حتيجي ، أيوة يا عبد الحميد لزمن تیجی أنا قلبی بیقولی کده قلبی حاسس یا راجلی انك هاتيجي أيه (ضاحكة) اجي جنبك ، عيب ، استنا يا راجل لا الواد سالم ينام مستعجل على ايه استنا شوية بتقول ايه ، أنا صعبانة عليك وانت صعبان على قوى ، أيوة كل الشرايط اللي بتبعتهالي بتوصلني يا عبد الحميد، كفاية حسك في الدنيا (ضاحكة) كفاية بقى ياما الراجل بهدلني أنا عارفة انك مشتاق لي بقالك كتير، بصراحة يا عبد الحميد الواد سالم بيعايروه في الكفر بيقولوله فين أبوك وعيال تانية بيسألوه هو أبوك مات يا سالم ، ابنك اتيتم يا خويا وانت لسه حسك في الدنيا .

عبد الحميد (ناي حزين اورربا به ثم يرددن البنات) يا مين يجيب لي حبيبي وياخد من عيوني عين

(البنات حولها كما في محزنة) أه انت طولت ليه يا

ردوا العوازل وقالوا بدل الحبيب اثنين (تنطلق بأعلى صوتها) أنا قلت قسما بربي ما تفوت حبيبي (وهى تبكي) ولو راحت فداه العين – (بثبت المنظر وتنزل الأصوات التالية)

مین فات داره ، پتقل مقداره

صسوت عزيسزة:

صـــوت

عبدالحميده

صوت خضرة:

لزمن أسافر يا خضرة واول ما اوصل هبقي ابعتلك التسجيل أبو روحين لزمن أسافر يا خضرة دى الشجرة اللى مضللشي على أهلها يحل قطعها وأنت لما تسافر يا عبد الحميد مين اللى هيضلل علينا قال تسجيل بروحين قال ومراهم تخلى للعويل

مقدار قطع الطشت الدهب اللى اطرش فيه الدم - (تدخل امرأة تطلق البخور تبدأ في رقى خضرة)

الــــــرآة:

الله أكبر، الله أكبر، اللهم صلى على كامل النور، رقيتك من عين بدرية، ورقيتك من عين عدلات، ورقيتك من عين ست ورقيتك من عين ست أبوها ومن عين عدلية وفكرية وخلاتك وناسك، يلا يا بنات قولوا ورايا (البنات برددن خلفها ما تقوله) الأوله الله واحد مالوش تانى، لا اله إلا الله محمد رسول الله

التانية بسم الله.. التالتة عين الحسود فيها عود

والرابعة حصنتك م العين اللى فيها خله والخامسة الصلاة والسلام على محمد بن عبد الله والساتة لا حول ولا قوة إلا بالله رقيتك واسترقيتك من عين كل اللى نضروكى ، اللهم صلى على محمد وعلى اله وصحبه وسلم طيب القلوب ودواها وعافية الابدان وشفاها يا عافى كل عفية احفظها من كل أذية الله أكبر ، الله أكبر

## (يثبت المنظر لتنزل الأصوات التالية)

صبوت عزيرة عيني عليكي يا خضرة قال خدتك عواز ، خدتك العوازل مدت أنا روحى ، انسيه يا بت يا خضره ، انسيه خالص دا زمانه اتجوز هناك ، على رأى المثل البعيد عن العين بعيد عن القلب

خصص المعلى المع

الخسالة: يا بت هدى نفسك وما تخليش الشيطان يركبك ويلعب بدماغك

خصصسرة؛ هو جاى عبد الحميد لو مجاش أنا حموت نفسي ن اوعى تكون مت يا عبد الحميد ومخبى على ،

مت فى الغربة يا راجلى يا عين أمك مت فى الغربة كنت لوحدك لما مت

### (يثبت المنظر لينزل صوت وهيبة)

صوتوهيبة: يا بت يا خضرة الرجالة دول ملهمش امان ما حدش بيصدقهم أبدا دول كلتهم كابين طول ما هما بعاد بيبقوا ناسينا وفي الغربة بيعملوا اللي هما عايزينه

صوت العمة: (الأجش) ما هو اصلى البت خضرة طلع بختها مايل خصصت العمة: (نواح) يا رجلي يا مهنيني صحيح زى ما بيقولوا

مت يا عبد الحميد طب فين قبرك يا حويا حد يدلنى عليه يا فاتح لى بيتي ، انت فين يا عبد الحميد أنت فين يا خويا (تهرول ناحية سالم النائم على الأربكة)

- سالم اوعى تصدق يا بني حد يقولك ابوك مات
- لأ أبوك لسه عايش ، عبد الحميد ، انت جيت يا جوزى (يثبت الصوت الجماعي الحزين)

قطر مين اللي البقر هده / قطر الغريب اللي ترك أرضه

قطر مين اللي البقر داسه / قطر الغريب اللي ترك ناسه خصصرة: (ضاحكة) كفاية بقا يا عبد الحميد الله بعدين الناس تشوفنا

(تخفت الإضاءة مع التفاف البنات حولها وانطلاق أصواتهن خوفا وهلعاً على خضرة)

بنات خضرة بتهلوس الحقوايا بنات خضرة بتهلوس

بسنست 2: أصلها من كتر الزعل الأسياد ركبتها

بنست 3: وبعدين يا بنات

الــــرآة: ولا قبلين مفيش غير حل واحد

البنسات: ايه هو؟

المسرآة؛ نعمل لها زار ، أيوة دقة زار

- ســـتــار -

## اللوحة السابعة

# المشهد: الزار

#### المنظر والديكور:

- بيت عبد الحميد
- تفتح الستار وتسطع الإضاءة ليدخل راقص التنورة / وتخفت الإضاءة وموسيقي رقصة التنورة في نهاية الرقصة
  - دقات الدفوف والصاجات والكولة
  - تدخل البنات تتوسطهن خضرة بجلباب أبيض
- تدخل الكودية وتبدأ عرضها لتهتز كل منهم على دقات الدفوف في حلقات جماعية ومنفردة حسب ما تردده الكودية قائدة الزار وهي تطلق البخور
- يزداد دوران خضرة واهتزازها ورقصاتها الانفعالية مع دقات الدفوف والصاجات صعوداً وهبوطاً ثم صرخة مدوية لترتمي بعدها خضرة على الأرض
- تخفت الإضاءة تدريجياً حتى تكاد تختفى مع انسحاب كل جموع الزار

# - (تسطع الإضاءة ثانية على أثر دفع باب الغرفة وهرولة سالم إلى أمه يناديها فتنهض من رقدتها لتستقبله في حضنها)

أما أما الجاموسة ولدت عجل حلو أوى وعمتى وجدتى قايدين النار بيدفوه تعالى وشوفى المولود ياما والعجل حلو قوى

خضرة (تنهض معه) حاضر يا ضنايا (وهي تنظر لصورة عبد الحميد) أنا رايحة مع سالم يا عبد الحميد وبرضه حنستناك أنا وسالم والأرض والجاموسة والمولود كلنا حنستناك يا عبد الحميد وانت يا سالم الن لزمن أعلمك ازاى تحب أرضك وتحضنها وترفع فاسك يا بنى وتعزق فى طينها معلمك يا سالم ازاى تحب ناسك وما تبعدش عنهم أبدا يا ضنايا (تغنى معه) يا طالع الشجرة / هات لى معاك بقرة / تحلب وتديني / بالمعلقة الصيني تنطلق نداءات الخالة والعمة والجدة متلاحقة لتمتزج بغناء خضرة وولدها وهما فى طريقهما للخروج من باب الغرفة

صوت العمة: الجاموسة ولدت يا خضرة يلا عشان تطبيها وتعملى السرسوب لسالم خضرة وسالم: يا طالع الشجرة / هات لى معاك بقرة ( يخفت الصوت تدريجياً مع خفوت الإضاءة حتى الإظلام)

- ســـــــار ونــهابـــــــــــ

# أغانى الفلوكلور والتراث الشعبي بالمسرحية أغانى ليلة الحنة وعقد القران

عند العروسة كورس هيصه

ييجي ياخد بوسه كورس هيصه

ييجي ع المحطة كورس ييجي

ييجي ياخذ أطه كورس ييجي

ياللي ع الترعة حود ع المالح

ضهري بيوجعنى كورس من ايه

ضهري بيوجعنى من خبط امبارح

\*\*\*\*\*

ياما حمامي خلط ويا حمام الواد على طلعت له مخده ونزلت له مخدة

لقيت حمامي بيتغدى وياحمام الوادعلى

هو حبيبي هو حباية العين من جوه

ياما حمامي خلط ويا حمام الواد على

## بمناسبة (الختان)

سمعنا بكاء الغالى وخالته قاعدة ملهية بيلم نقوط الغالي

داري يا مزين داري أهى أمه قاعدة ملهية وخاله شايل الصيني

### السيد محمد على فراج

- مؤلف ومعد برامج (إذاعة تليفزيون مسرح).
- محرر وناقد فني في العديد من الصحف والمجلات العربية.
- صورت له سهرة تليفزيونية عام 1987 وعلت الابتسامة الوجوه.
- قام بتأثیف العدید من التمثیلیات بالبرنامج العام بالإذاعة
- عرضت له على مسرح الشباب عام 1994 مسرحية "خضرة "بطولة عايدة فهمي وشاركت المسرحية في المهرجان التجريبي لنفس العام.
- له مجموعة قصصية صدرت عام 1993 بعنوان "وما زال الحب أقوي " أذيعت معظم قصصها في إذاعة البرنامج الثقافية في الإذاعة .
  - عضوانتمادالكتاب.

# المحتوى

5	* تقدیم
21	* مسرحية مدينة بلا أبواب
23	* المقدمة
27	* الفصل الأول
55	* الفصل الثاني
73	* مسرحية خضرة والسواقي العطشي
77	* المقدمة
79	* الفصل الأول (ليالي العرس)
95	* الفصل الثاني (أيام الغربة)
12	* الكاتب

#### للنشرفي السلسلة:

\* يتقدم الكاتب بنسختين من الكتاب على أن يكون مكتوباً على الكمبيوتر أو الآلة الكاتبة أو بخط واضح مقروء. ويفضل أن يرفق معه أسطوانة (C.D) أو ديسك مسجلاً عليه العمل إن أمكن.

\* يقدم الكاتب أو المحقق أو المترجم سيرة ذاتية مختصرة تضم بياناته الشخصية وأعماله المطبوعة .

\* السلسلة غير ملزمة برد النسخ المقدمة إليها سواء طبع الكتاب أم لم يطبع .



137- الأكيساس الممتلئة مروة فاروق
138- التسوب والتساج أبو العلاعمارة
139- قلعة المسوت عبد القادر إبراهيم
140- الجيـل أبو زلومـةرجـب سليـم
141- الهالالى بكرى عبد الحميد
142- سهرة ضاحكة لقتل السندباد الحمال سمير عبد الباقى
143- آخر منامات الوهراني غنام غنام
144 - فردة حذاء واحدة تسع الجميع ياسمين إمام
145- الدايـة والحانوتيمحمد صلاح صقر
146- دكتوراه في الحب محمد أبو العلا السلاموني
147 - دَمـــــدم حازم حسين
148- العذراء القرطاجيةمحمد سيد عمر
149 قلب الكونأشرف عتريس

شركة الأهل للطباعة والنشر (مورافيتلى سابقا) ت. 23952496 - 23904096

يقدم الكاتب (السيد فراج) بناءه المسرحي في مسرحية (خضرة) مستنداً إلى تيمة رغم بساطتها إلا أنها تتميز بمخيلتها الشديدة وعبقها الإنساني، حيث النص يمكن اعتباره إطاراً عاماً لوضع الموروث الشعبي على خشبة المسرح، وهذا الموروث المتمثل في الأغنيات الشعبية المتعلقة بأحداث الحياة ومباشرة طقوس الفرح والحزن المصرية، كما أن النص الثاني (مدينة بلا أبواب) حاول فيه الكاتب أن يقدم عالماً موازياً لعالمنا، لكنه حاول في الوقت ذاته أن يعطى بعداً أكثر للحالة التي نعيشها الآن من خلال المقابلة بين هذه المدينة وبيننا نحن وذلك عبر لغة درامية متنامية تقترب إلى الشاعرية الكامنة بين حوارات شخصياته المسرحية.





